

L. COELII LACTANTII

Ctionemq; penitus peruidebant) depravati sunt ab itinere recto, & cœlestes literas corruperunt, ut nouam sibi doctrinam sine ulla radice ac stabilitate componerent. Nonnulli autem falsorum prophetarū uaticinio illecti, de quibus & ueri prophetae, & ipse prædixerat, exciderunt à doctrina dei, & traditionem ueram reliquerūt. Sed illi omnes dæmoniacis fraudibus irretiti, quas prospicere & cauere debuerāt, diuinum nomen & cultum per imprudentiā perdiderunt. Quum enim Phryges, **Hæreticorum** aut Nouatiani, aut Valentiniani, aut Marcionitæ, aut Anihropiani, aut Arriani, seu quilibet alij nominantur, Christiani esse desierūt, n̄, qui Christi nomine amissi, humana & externa uocabula induerūt. Sola igitur catholica ecclesia est, quæ uerum cultum retinet. Hic est fons ueritatis, hoc est domicilium fidei, hoc templum dei: quō si quis nō intrauerit, uel à quo si quis exiuferit, à spe uitæ ac salutis æternæ alienus est. Neminem sibi oportet pertinaci concertatione blandiri: agitur enim de uita & salute: cui nisi caute & diligenter consulatur, amissa & extincta erit. Sed tamen quia singuli quicq; cœtus hæreticorum se potissimū Christianos, & suam esse catholicam ecclesiam putant, sciendum est illam esse ueram, in qua est religio, confessio, & pœnitentia: quæ peccata & uulnera, quibus est subiecta imbecillitas carnis, salubriter curat. Hæc interim paucis admonendi gratia retulī, ne quis errore fugere cupiens, maiori implicitetur errore, dum penetrale ueritatis ignorat. Postea plenius & uerius contra omnes mendaciorū sectas proprio separatoq; opere pugnabimus. Sequitur ut quoniam satis de religione uera, & sapientia locuti sumus, in proximo libro de iustitia differamus.

LIBRI QVARTI FINIS.

D

L. COELII LACTANTII FIRMIANI DIVINARVM INSTITUTIONVM ADVERSUS GENTEIS LIBER QVINTVS DE IV- STITIA, AD CONSTANTINVM IMPERATOREM.

Quod iniquum & impiu est antē damnare uel personam uel causam, quam de merito eius cognoscere: Et quare sapientia iungenda sit religioni: Et quare sapientia huius mundi literas sacras contempserit: Et quod eloquentia seruit seculo: & plerunq; ut amplius elucescat, ex industria impugnat ueritatem, quæ ferè semper idoneis assertoribus indiget. Cap. I



ON est apud me dubiū, Constantine Imperator maxime, quin hoc opus nostrum, quo singularis ille rerum cōditor, & huius immensi operis rector asseritur, si quis attigerit ex istis inepte religiosis (ut sunt nimia superstitione impatientes) insectetur etiam maledictis: ut uix lecto fortasse principio, affligat, proijciat, execretur, seq; inexpibili scelere contaminari atq; astrigni putet, si hæc aut legat patienter, aut audiat. Ab hoc tamen fieri potest, humanitatis iure postulamus, ut non prius damnet, quam uniuersa cognoverit. Nam si sacrilegis, & proditoribus, & ueneficis potestas defendēdi sui datur, nec prædamnari quenquam incognita causa licet, nō iniuste petere uidemur, ut si quis erit ille, qui inciderit in hæc, si leget, perlegat: si audiet, sententiam differas in extremum. Sed noui hominū pertinaciam, nunquam impetrabimus. Timemus enim

A enim ne à nobis reuicti, manus dare aliquando clamante ipsa ueritate cogantur. Obstrepunt igitur, & intercedunt, ne audiant: & oculos suos opprimunt, ne lumen uideant, quod offerimus. Quo plane ipsi diffidentiam suæ perditæ rationis ostendunt, quū neç cognoscere, neç congregari audent: quia sciunt se facile superiari. Et idcirco disceptatione sublata,

Pellitur è medio sapientia, ui geritur res.

Vt ait Ennius. Et quia studēt damnare tanquam nocentes, quos utiq; sciunt innocentes, constare de ipsa innocentia nolunt: quasi uero maior iniq;itas sit, probatam innocentiam damnasse, quam inauditam. Sed (ut dixi) uerentur, ne si audierint, damnare non possint: Et ideo cultores dei summi, hoc est iustos homines torquent, interficiunt, exterminant: nec causas odiorum ipsi reddere possunt, qui tam uehementer oderunt: quia ipsi errant, irascuntur ijs, qui uiam ueram sequuntur: & cum corrigere se possint, errores suos insuper crudelibus factis coaceruant, innocentium cruentum maculantur, & dicatas deo mentes euisceratis corporibus detorquent. Cum talibus nunc congregari & disputare contendimus. Hos ad ueritatem ab inepta persuasione traducere, qui sanguinem facilius hauserint, quam uerba iustorum. Quid igitur? Operam'ne perdemus? Minime. Nam si lucrari hos à morte, ad quam concitatissime tendunt, non potuerimus, si ab illo itinere de morte ad uitam lucemq; reuocare, quoniam ipsi saluti suæ repugnant: nostros tamen confirmabimus, quorum non est stabilis, ac solidis radicibus fundata & fixa sententia. Nutant enim plurimi, & maxime qui literarū aliquid attigerunt. Nam & in hoc philosophi, & oratores, & poëtae perniciosi sunt, quod incautos animos facile irretire possunt suauitate sermonis, & carminū dulci modulatione currentiū. Ob

B eamq; causam uolui sapientiā cum religione cōiungere, ne quid studiosis illa inanis doctrina possit officere: ut iam scientia literarū non modo nihil noceat religioni atq; iustitiæ, sed etiam prosit quamplurimū: si is, qui eas didicerit, sit uirtutibus instructior, & ueritate sapientior. Præterea etiā nulli aliij, nobis certe proderit, delectabit se conscientia, gaudebitq; mens se in ueritatis luce uersari, quod est animæ pabulū incredibili quadā iucunditate perfusum. Verū non est desperandum, fortasse nō canimus surdis. Nec enim tam in malo statu res est, ut desint sanæ mentes, quibus & ueritas placeat, & monstratū sibi rectum iter & uideant, & sequantur. Circumliniatur modò poculum cœlestis sapientiæ melle, ut possint ab imprudentibus amara remedia sine offensione potari, dum illiciens prima dulcedo, acerbitatem saporis asperi sub prætextu suauitatis occultat. Nam hæc in primis causa est, cur apud sapientes, & doctores, & principes huius seculi scriptura sancta fide careat: quod prophetæ cōmuni ac simplici sermone, ut ad populum, sunt locuti. Contemnuntur itaq; ab ijs qui nihil audire, uel legere nisi expolitum ac disertum uolunt: nec quicquam inhærere animis eorū potest, nisi quod aures blandiori sono permulcat. Illa uero, quæ sordida uidetur, anilia, inepta, uulgaria existimatur. Ideo nihil uerū putant, nisi quod auditu suave est: nihil credibile, nisi quod potest incutere uoluptatē. Nemo rem ueritate ponderat, sed ornatu. Non ergo credunt diuinis, quia fuco carēt: sed ne illis quidē, qui eas interpretant: quia sunt & ipsi aut omnino rudes, aut certe parū docti. Nam ut plene sint eloquentes, perraro cōtingit: cuius rei causa in aperto est. Eloquentia enim seculo seruit, populo se iactare, & in rebus malis placere gestit. Si quidē ueritatem sæpius expugnare conatur, ut uim suam monstrat: opes expetit, honores concupiscit, summū deniq; gradū dignitatis exposcit. Ergo hæc quasi humilia despicit, arcana tanquā contraria sibi fit: quippe quæ publico gaudeat, & multitudinem celebritatēq; desideret. Eo

*Cur scriptus
ra sacra apud
quosdam fide
caruerit.*

L. COELII LACTANTII

Tertullianus

Cyprianus

Coprianum

C sit, ut sapientia & ueritas idoneis præconibus indigeat. Et si qui forte literatorum se ad eam cōtulerūt, defensioni eius nō suffecerūt. Ex ijs qui mihi noti sunt, Minutius Felix non ignobilis inter causidicos loci fuit. Huius liber, cui Octauio titulus est, declarat quām idoneus ueritatis assertor esse potuisset, si se totū ad id studium contulisset. Septimi quoq; Tertullianus fuit omni genere literarū peritus, sed in loquendo parum facilis, & minus comptus, & multum obscurus fuit. Ergo ne hic quidem satis celebritatē inuenit. Vnus igitur præcipiuus & clarus extitit Cyprianus, qui magnam sibi gloriam ex artis oratoriæ professione quæsierat, & admodū multa conscripsit in suo genere miranda: erat enim ingenio facilī, copioso, suavi, & (quæ sermonis maxima est uirtus) aperto: ut discernere nequeas, utrum'ne ornatior in loquēdo, an facilior in explicādo, an potētor in persuadendo quisq; fuerit. Hic tamen placere ultra uerba sacramentū ignorantibus nō potest: quoniā mystica sunt, quæ locutus est, & ad id præparata, ut à solis fidelibus audiant. Deniq; à doctis huius seculi, quibus forte scripta eius innotuerūt, derideri solet. Audiū ego quendā hominē disertū sanè, qui eū immutata una litera t Capriā uocaret, quasi quod elegās ingeniu, & melioribus rebus aptū, ad aniles fabulas cōtulisset. Quod si accidit hoc ei, cuius eloquēta nō insuavis est, quid tandem putemus accide re illis, quorū sermo iejunus est & ingratus: qui neq; uim persuadendi, necq; subtilitatē argumentādi, neq; ullā prorsus acerbitate ad reuincendū habere potuerūt:

Quod ex defectu doctorum data est temerariis hominibus audacia impugnandi ueritatem
ignotam: & hoc probat exemplo duorum philosophorum, quos uiderat
in Bithynia.

Cap. II

Lactantius in
Bithynia ora-
toriā professus



D

Rgo quia defuerunt apud nostros idonei, peritiq; doctores, qui uehementer, qui acriter errores publicos redarguerēt: qui causam omnem ueritatis ornate copioseq; defenderēt: prouocauit quosdam hæc ipsa penuria, ut auderent scribere cōtra ignotam sibi ueritatē. Omitto eos, qui prioribus eam temporibus nequicquā lacellerunt. Ego quū in Bithynia literas oratorias accitus docerē, contigisseq; eodem tempore, ut dei templū euertetur: duo extiterūt ibidem, qui iacenti atq; abiectæ ueritati, nescio utrū superbius, an importunius insultarent, quorū alter antistitem se philosophiæ profitebat, uerum ita uitiosus, ut cōtinentiae magister nō minus auaritia, quām libidinibus ardet: in uictu tam sumptuosus, ut in schola uirtutis assertor, parsimoniae, paupertatisq; laudator, in palatio peius coenaret, quām domi, tamē uitia sua capillis & pallio, & (quod maximū est uelamentū) diuitijs prætegebat: quas ut augeret, ad amicitias iudicium miro ambitu penetrabat, eosq; sibi repente autoritate falsi nominis obligabat: nō modò ut eorū sententias uenderet, uerū etiam ut cōfines suos, quos ædibus agrisq; pellebat à suo repetendo, hac potentia retardaret. Hic uero, qui suas disputationes moribus destruebat, uel mores suos disputationibus arguebat, ipse aduersus se grauis censor, & accusator acerrimus, eodem ipso tempore, quo iustus populus nefarie lacerabat, tres libros euomuit contra religionē, nomenq; Christianū: professus ante omnia, philosophi officiū esse, erroribus hominū subuenire, atq; illos ad ueram uiam reuocare, id est ad cultus deorū: quorū numine ac maiestate (ut ille dicebat) mundus gubernaret: nec pati, homines imperitos quorundam fraudibus illīci: ne simplicitas eorū prædæ ac pabulo sit hominibus astutis. Itaq; se suscepisse hoc munus philosophia dignū, ut præferret non uidentibus lumen sapientiæ: non modò ut susceptis deorū cultibus resanescant, sed etiam ut pertinaci obstinatione deposita, corporis cruciamenta deuident, nec saeuas membrorum lacerationes frustra perpeti uelint. Ut autem appareret cuius rei gratia opus

A opus illud elaborasset, effusus est in principum laudes: quorum pietas & prouidentia (ut quidem ipse dicebat) tum in cæteris rebus humanis, tum præcipue in defendendis deorum religionibus claruisset: consultum esse tandem rebus huminis, ut cohibita impia & anili superstitione, uniuersi homines legitimis sacris uarent, ac propitios sibi deos experientur. Vbi autem religionis eius, contra quam perorabat, infirmare uoluit rationem, ineptus, uanus, ridiculus apparuit, quia gravis ille consultor utilitatis alienæ, non modò quid oppugnaret, sed etiam quid loqueretur nesciebat. Nam si qui nostrorum affuerunt, quamvis temporis gratia conticescerent, animo tamen derisere: utpote quū uiderent hominem profitem, se illuminaturū alios, quum ipse cæcus esset: reducturū alios ab errore, quū ipse ignoraret, ubi pedes suos poneret: eruditurum alios ad ueritatem, cuius ille ne scintillam quidem unam uidisset aliquando: quippe quum sapientiæ professor profligare sapientiam niteret. Omnes tamen id arguebant, quod illo potissimum tempore id operis esset aggressus, quo surebat odiosa crudelitas. O philosophū adulatorem ac temporis seruientem. Verum hic pro sua inanitate contemptus est, qui & gratiam, quam sperauit, non est adeptus: & gloria, quam captauit, in culam reprehensionemq; conuersa est. Alius eandem materiam mordacius scripsit, qui erat tunc ē numero iudicum, & qui autor in primis facienda persecutionis fuit: quo scelere non contentus, etiam scriptis eos quos affixerat, insecurus est. Composuit enim libellos duos non contra Christianos, ne inimice infectari uideretur: sed ad Christianos, ut humane & benigne consulere putaretur: in quibus ita falsitatem scripturæ sacræ arguere conatus est, tanquam sibi esset tota cōtraria: nam quædam capita, quæ repugnare sibi uidebātur, exposuit, adeò multa, adeò intima enumerans, ut aliquando ex eadem disciplina fuisse uideat. Quod si fuit, quis eum Demosthenes poterit ab impietate defendere: qui religionis, cui fuerat assensus: & fidei, cuius nomen induerat: & sacramenti, quod acceperat, proditor factus est: nisi forte casu in manus eius diuinæ literæ inciderunt. Quæ igitur temeritas erit id audere dissoluere, quod illi nemo interpretatus est bene, quod aut nihil didicit, aut nihil intellexit: Tantū enim abest à diuinis literis repugnatio, quantum ille absuit à ueritate & fide. Præcipue tamen Paulum Petrumq; lacerauit, cæterosq; discipulos, tanquam fallaciæ seminatores: quos eosdem tum rudes, & indoctos fuisse testatus est: nam quosdam eorum pîscatorio officio quæstum fecisse: quasi ægre ferret, quod illam rem nō Aristophanes alius, aut Aristarchus commentatus sit.

*Quod discipulis Christi uoluntas mentiendi absuit, qui uitam exercabant contrariam uitij: Et quod respondendum fuit blasphemiae eorum, qui Christum magum fuisse mentiti sunt,
& sibi ipsi contraria docuerunt.*

Cap. IIII



Bfuit ergo ab his singendi uoluntas & astutia: quoniam rudes fuerūt. Aut quis posset indoctus, apta inter se & cohæretia singere, quū philosophorum doctissimi Plato, & Aristoteles, & Epicurus, & Zenon, ipsi sibi repugnantia & contraria dixerint: Hæc est enim mendaciorum natura, ut cohærere non possint. Illorum autem traditio, quia uera est, quadrat ubique, ac tota sibi consentit, & ideo persuadet, quia constanti ratione suffulta est. Non igitur quæstus & commodi gratia religionem istam commenti sunt: quippe qui & præceptis, & ipsa re eam uitam secuti sunt, quæ & uoluptatibus caret, & omnia quæ habentur in bonis, spernit: & qui non tantum mortem profide subierint, sed etiam morituros esse se & scierint, & prædixerint: & postea uniuersos, qui eorum disciplinam secuti essent, acerba & nefanda passuros. Ipsum

C autem Christum affirmauit à Iudæis fugatum, collecta non ingentorū hominum manu, latrocinia fecisse. Quis tantæ autoritati audeat repugnare? Credamus hoc plane: nam fortasse illi hoc in somnis Apollo alius nunciauit. Tot semper latrones perierunt, & quotidie pereunt, utiq; multos & ipse damnasti: quis eorū post crucem suam, non dīcam deus, sed homo appellatus est? Verum tu forsitan ex eo credidisti: quia uos homicidā Martem consecrastis, ut deum: quod tamen non fecissetis, si illum Areopagitæ in crucē sustulissent. Item quū facta eius mirabilia des

*Apollonius
magus.* strueret, nec tamē negaret, uoluit ostendere Apollonium, uel paria, uel etiam maiora fecisse. Mirū quod Apuleium prætermisit, cuius solent & multa, & mira memorari. Cur igitur ô delirum caput, nemo Apollonium pro deo colit, nisi forte tu solus, illo scilicet deo dignus, cum quo te in sempiternū uerus deus puniet? Si magnus Christus, quia mirabilia fecit: peritior utiq; Apollonius, qui (ut describis) quū Domitianus eum punire uellet, repente in iudicio non comparuit, quām ille qui comprehensus est, & cruci affixus. At enim ex hoc ipso fortasse insolentiam Christi uoluit arguere, quod deum se cōstituerit, ut ille uerecundior fuisse uidet, qui quū maiora faceret, ut hīc putat, tamen id sibi nō arrogauerit. Omitto nūc ipsa opera cōparare: quia in secūdo, & superiori libro de fraude ac præstigijs artis magicæ dixi. Nego esse quenquam, qui non optet in primis id sibi post mortem contingere, quod etiam reges maximī concupiscunt. Cur enim homines sibi sepulchra magnifica, cur statuas, cur imagines comparant? cur aliquibus factis præclaris, aut etiam morte pro ciuibus suscepta, student opiniones hominū promereris? Cur deniq; ipse ingenij tui monumentū hoc detestabili stultitia, tanquā cōnoꝝ dificatum, constituere uoluisti, nisi quod immortalitatē de memoria nominis spe ras? Stultū est igitur, id putare Apollonium noluisse, quod optaret utiq; si posset: quia nemo est, qui immortalitatē recusat, & maxime quū eum dicas & adoratum esse à quibusdā, sicut deū, & simulacrum eius sub Herculī Alexicaci nomine constitutū, ab Ephesijs etiam nunc honorari. Non potuit ergo post mortem deus credi, quia & hominē, & magū fuisse cōstabat: & ideo alieni nominis titulo affectauit diuinitatē, quia suo nec poterat, nec audebat. Noster uero & poterat deus credi, quia magus non fuit: & creditus est, quia uerus fuit. Non (inquit) hoc dico, idcirco Apolloniū nō haberi deū, quia noluerit: sed ut appareat nos sapientiores esse, qui mirabilibus factis non statim fidem diuinitatis adiunximus, quām uos, qui ob exigua portenta deum credidistis. Non est mirum si tu, qui à dei sapientia longe remotus es, nihil prorsus intelligis eorum, quae legisti: quū Iudæi, qui à principio prophetas lectitauerant, quibusq; sacramentū dei fuerat obsignatum, tamen quid legerent, ignorauerūt. Disce igitur, si quid tibi cordis est, non idcirco à nobis deū creditum Christum, quia mirabilia fecit: sed quia uidimus in eo facta esse omnia, quae nobis annunciatā sunt uaticinio prophetarum. Fecit mirabilia: magum putassemus, ut & uos nuncupatis, & Iudæi tunc putauerunt, si non illa facturū Christum prophetæ omnes uno sp̄itu prædixissent. Itaq; deum credimus, non magis ex factis operibusq; mirandis, quām ex illa ipsa cruce, quam uos, sicut canes lambitis: quoniam simul & illa prædicta est. Non igitur suo testimonio (cui enim defē dicenti credi potest?) sed prophetarum testimonio, qui omnia quae fecit ac passus est, multo ante cecinerunt, fidem diuinitatis accepit: quod neque Apollonio, neq; Apuleio, neq; cuiquam magorum potuit, aut potest aliquando contingere. Quū igitur talia ignorantiae sūra deliramenta fudisset, quū ueritatem penitus excidere connixus esset, ausus est libros suos nefarios ac dei hostes φιλαληθεῖς, id est ueritatis amatores annotare. O cæcum pectus, ô mentem cimmerijs (ut aiunt) te-nebris

D

A nebris atriorem. Discipulus hic fortasse Anaxagoræ fuit, cui nubes atramentum fuerunt: atq; eadem cæcitas est, & uero falsitatis, & mendacio ueritatis nomen imponere. Videlicet homo subdolus uoluit lupum sub ouis pelle celare, ut fallaci titulo posset irretire lectorem. Verum esto inscitia hoc, nō malitia feceris. Quam tandem nobis attulisti ueritatem, nisi quod assertor deorū, eos ipsos ad ultimum prodidisti? Prosecutus enim summi dei laudes, quem regem, quē maximū, quem opificem rerum, quem fontem honorū, quem parentem omniū, quem factorem autoremq; uiuentium confessus es, ademisti loui tuo regnum, eumq; summa poestate depulsum, in ministrorum numerum redigisti. Epilogus itaque te tuus aruit stultitiae, uanitatis, erroris. Affirmas enim deos esse, & illos tamen subiçis, & mancipas ei deo, cuius religionem conaris euertere.

Quare hoc opus incepit sit, & contra quos, & ad quid profit.

Cap. IIII



I ergo, de quibus dixi, quum præsente me ac dolente, sacrilegas suas literas explicassent: & illorū superba impietate stimulatus, & ueritatis ipsius cōscientia, & (ut arbitror) deo, suscepī hoc munus, ut omnibus ingenij mei uiribus accusatores iustitiae refutarem: nō ut contra eos scriberem, qui paucis uerbis obteri poterāt, sed ut omnes, qui ubiq; idem operis efficiunt, aut effecerūt, uno simul impetu profligarem. Non dubito enim quin & alij plurimi, & multis in locis, & non modò græcis, sed etiam latinis litéris, monimentum iniustitiae suæ struxerunt: quibus singulis quoniam respondere non poteram, sic agendam mihi hanc causam putauī, ut etiam priores cum omnibus suis scriptis peruerterem, & futuris omnem facultatem scribendi aut respondendi amputarem: præbeant modò aures. Efficiam profectō, ut quicunq; ista cognoverit, aut suscipiat quod ante damnauit: aut, quod est proximum, deridere aliquid desistat. Quanquam Tertullianus eandem causam planè perorauerit in eo libro, cui Apologeticō nomen est: tamen quoniam aliud est accusantibus respondere, quod in defensione, aut negatione sola positum est: aliud instituere, quod nos facimus, in quo necesse est doctrinæ totius substantiam contineri: non defugi hunc laborem, ut implerem materiam, quam Cyprianus non executus est in ea oratione, qua Demetrianū (sicut ipse ait) oblatrantē atq; obstrepentem ueritati redarguere conatur, qua materia non est usus, ut debuit. Non enim scripturæ testimonijs, quam ille utiq; uanam, fictam, cōmentitiam putabat, sed argumentis & ratione fuerat refellendus. Nam quū ageret contra hominem ueritatis ignarū, dilatis paulisper diuinis lectionibus, formare hunc à principio tanquā rudem debuit, eiq; paulatim lucis principia monstrare, ne toto lumine obiecto caligaret. Nam sicut infans solidi ac fortis cibi capere uim non potest, ob stomachi teneritū dinem, sed liquore lactis ac mollitudine alitur, donec firmatis uiribus uesti fortioribus possit: ita & huic oportebat, quia nondum poterat capere diuina, prius humana testimonia offerri, id est philosophorum, & historicorum, ut suis potissimum refutaretur autoribus. Quod quia ille non fecit, raptus eximia eruditione diuinorum literarum, ut ijs solis contentus esset, quibus fides constat: accessi deo inspirante, ut ego facerem, & simul ut uiam cæteris ad imitandum parem. At sihortatu nostro docti homines ac diserti hac se conferre cœperint, & ingenia sua uimq; dicendi hoc ueritatis campo iactare maluerint, euanituras breui religiones falsas, & occasurā esse omnem philosophiam, nemo dubitauerit: si fuerit omnibus persuasum, tum hanc solam religionē, tum etiam & solam & ueram esse sapientiam. Sed euagatus sum longius, quam uolebam.

L. COELII LACTANTII

C De iustitia, quam non modo philosophi, sed etiam poëtæ, qui eos præcesserunt, totis quæ fierunt uiris
bus: Et quomodo pro uero haberi debeat, non figmento poëtico, quod iustitia terras inco-
lebat regnare Saturno, & aurea fuisse secula, sed Ioue regnante iustitiam esse
fugitam. Cap. V

Nunc reddenda est de iustitia proposita disputatio: quæ aut ipsa summa
est uirtus, aut fons est ipsa uirtutis: quam non modo philosophi quæ-
sierunt, sed poëtæ quoq; qui priores multo fuerūt, & ante natum phi-
losophiæ nomen pro sapientibus habebantur. Hi plane intellexerunt
abesse hanc à rebus humanis: eamq; finixerunt offensam uitij hominum cessisse è
terra, in cœlumq; migrasse: atq; ut docerent quid sit iuste uiuere (solent enim præ-
cepta per ambages dare) à Saturni temporibus, quæ illi uocant aurea, repetunt
exempla iustitiæ: narrantq; in quo statu fuerit uita humana, dum illa in terra mora-
retur. Quod quidem non pro poëtica fictione, sed pro uero habendum est. Satur-
Iustitia sub Sas-
no enim regnante, nondum deorum cultibus institutis, nec adhuc ulla gente ad
turno in terris diuinitatis opinionem consecrata, deus utiq; colebatur. Et ideo non erant neque
uersata.

Nondum uesanos rabies nudauerat enses:

Vt Germanicus Cæsar in Arato loquitur carmine:

Nec consanguineis fuerat discordia nata.

Immo nec alienigenis quidem, neq; ulli omnino gladij, qui nudarentur, fuerunt.
Quis enim præsente ac uigente iustitia, aut de tutela sui, quum nemo insidiaretur,
aut de pernicie alterius cogitaret, quum nemo quicquam concupisceret?

Malebant tenui contenti uiuere cultu,

D Vt Cic. in suo ait Arato, quod est proprium nostræ religionis.

Ne signare quidem, aut partiri limite campum

Fas erat, in mediū quærebāt. Quippe quū deus cōmunem omnibus terram
dedisset, ut cōmunem degerent uitam: non ut rabida & furens avaritia sibi omnia
uendicaret, nec ulli deesset, quod omnibus nasceretur. Quod poëtæ dictum sic
accipi oportet, non ut existimemus nihil omnino tunc fuisse priuati, sed more poë-
tico figuratum, ut intelligamus tam liberales fuisse homines, ut natas sibi fruges
non includerent: nec t̄ solis absconditis incubarent, sed pauperes ad communio-
nem proprij laboris admitterent.

Flumina iam iactis, iam flumina nectaris ibant.

Nec mirum, quū promptuaria iustorum benigne paterent omnibus: nec avaritia
intercipiens beneficia diuina, famem sitimq; uulgò faceret, sed omnes æqualiter
abundarent: quū habentes non habentibus large copioseq; donarent. Sed post-
quam Saturnus à filio pulsus, in Latiumq; delatus est,

Arma louis fugiens, & regnis exul ademptis:

Quū iam populus uel noui regis metu, uel quia sponte deprauatus deum colere
desisset, regemq; pro deohabere cœpisset, quū ipse propemodum paricida exem-
pto cæteris esset ad uiolandam pietatem,

Deseruit propere terras iustissima uirgo.

Sed non, ut ait Cicero,

Et louis in regno, cœliq; in parte resedit.

Quomodo enim poterat in eius regno residere aut cōmorari, qui patrem regno
expulit, bello persecutus est, exulem toto orbe iactauit?

Ille malum uirus serpentibus addidit atris,

Prædariq; lupos iussit. id est odiū, & inuidiā, & dolum hominibus insevit, ut
essent

Affessent tanquam serpentes uenenati, tam rapaces quam lupi. Quod quidem uere faciunt hi, qui iustos ac fideles deo persequuntur, dantq; iudicibus fæuendi aduersus innoxios potestatē. Fortasse aliquid eiusmodi Iupiter fecerit ad expugnam tollendam q; iustitiam, & ideo efferasse serpentes, ac lupos acuisse traditur.

Tum belli rabies, & amor successit habendi.

Neq; immerito: sublata enim dei religione, boni quoq; ac malī scientiam perdidērunt: sic hominibus intercidit communitas uitæ, & direptum est foedus societatis humanæ. Tum inter se manus inserere cœperunt, & insidiari, & gloriam sibi ex humano sanguine comparare.

Quod cupiditas fons malorum omnium expulsa iustitia, suas, id est iniquissimas promulgavit leges:

& quomodo sub Iouenature confortes seruiti subiecerit audax, auara, ambitiosa, superba,

& crudelis impietas hominum, & aureum expulit seculum, quod sola facit puritas

ueræ religionis. Cap. VI



Vorum omnium malorum fons cupiditas erat: quæ scilicet ex cōtem
ptu ueræ maiestatis erupit: non tantum enim non participabant alijs
ij, quibus aliquid affluuebat, sed aliena quoque rapiebant, in priuatum
lucrum trahentes omnia: & quæ antea in usus hominum etiam singu
llaborabant, in paucorum domos conferebantur. Vt enim cæteros seruitio sub
iugarent, in primis necessaria uitæ subducere & colligere cœperunt, eaq; firmi
ter conclusa seruare, ut beneficia cœlestia facerent sua: nō propter humanitatem,
quæ nulla in ipsis erat, sed ut omnia cupiditatis & auaritiae instrumenta contrahe
rent. Leges etiam sibi iustitiae nomine munitas iniquissimas iniustissimasq; sanxe
runt, quibus rapinas & auaritiam suam contra uim multitudinis tuerentur. Tan
tum igitur autoritate, quantum uiribus, aut opibus, aut auaritiam præualebant.
Et quoniam nullum in his iustitiae uestigium fuit, cuius officia sunt humanitas,
æquitas, misericordia, iam superba & tumida inæqualitate gaudebant, altioresq;
cæteris hominibus satellitum comitatu, & ferro & insigni ueste fulgebant. Hinc
honores sibi, & purpuras, & fasces inuenierunt: ut securium gladiorumq; terro
re subnixi, quasi iure dominorū percussis ac pauentibus imperarent. In hac con
ditione humanam uitam rex ille constituit, qui debellato ac fugato parente, non
regnum, sed impiam tyrannidem ui, & hominibus armatis occupauit, & aureum
illud iustumq; seculum sustulit, coegeritq; homines malos & impios fieri: uel ex
hoc ipso, quod ipsos auertit auertit à deo ad se adorandum: quod error insolens
tissimæ potestatis expresserat. Quis enim non metueret eum, quem arma cinge
bant, quem ferri & gladiorum fulgor insuetus circundabat: aut qui parceret alie
no, qui ne patri suo quidem pepercerat? Quem uero metueret, qui Titanam ro
bustam excellentemq; uiribus gentem bello uicerat, occidione deleuerat? Quid
mirum, si omnis multitudo insolito metu pressa, in unius adulacionem conceisse
rat: hunc uerebantur, huic honorem maximum deferebant. Et quoniam mores
ac uitia regis imitari genus obsequij iudicabatur, abiecerunt omnes pietatem, ne
exprobrare regis scelus uiderentur, si pie uiueret. Sic assidua imitatione corrupti,
diuinum fas reliquerunt, & paulatim male uiuendi consuetudo mos factus est.
Nec iam quicquam ex antecedentis seculi pio atq; optimo statu mansit: sed explo
sa iustitia, & ueritatē secū trahens, reliquit hominibus errorē, ignorantia, cæcita
tem. Imprudētes igitur poëtæ, qui eamad cœlū cōfigisse cecinerūt, id est ad Louis
regnū. Si enim seculo, quod uocat aureū, iustitia in terra fuit, à loue utiq; pulsa est,
qui aureū seculū cōmutauit. Seculi aut cōmutatio, & expulsio iustitiae, nihil aliud,
ut dixi, q; desertio diuinæ religionis putanda est: quæ sola efficit, ut homo hominē

Louis regnum.

L. COELII LACTANTII

Charmum habeat, eumq; sibi fraternitatis vinculo sciat esse constrictum: siquidem pater idem & deus est omnibus, ut dei patris communis beneficia cum ihs, qui nō habent, partiatur: nulli noceat, nullum premet, non fores claudat hospiti, non aurem precanti, sed sit largus, beneficus, liberalis, quas regias esse laudes Tullius existimauit. Hæc est profectio iustitia, & hoc aureum seculū, quod loue regnante primum corruptum, mox & ipso & omni eius progenie consecrata, deorumq; multorum cultu suscepito, fuerat omne sublatum.

De aduentu Christi aureum seculum restituentis in electis, id est ueram reformatam religionem:

Et quod uirtus innoscet, & probetur exercitio uitiorum, ut liquidum sit, quare deus mala esse permiserit. Cap. VII



Ed deus, ut parens indulgentissimus, appropinquante ultimo tempore nuncium misit, qui uetus illud seculum, fugatamq; iustitiam rediret, ne humanum genus maximis & perpetuis agitaretur erroribus. Redij ergo species illius aurei temporis, & redditia quidem terræ, sed assignata paucis iustitia est: quæ nihil aliud est, quam dei unici pia & religiosa cultura. Sed moueat fortasse aliquem, cur si hæc sit iustitia, non omni humano generi sit data, nec in ea multitudo uniuersa cōfenserit. Magnæ hoc disputationis est, cur à deo, quā iustitiam terræ daret, sit retenta diuersitas: quod & alio loco declaraui, & ubiuncq; opportune inciderit, explicabitur. Nunc designare id breuissime fas est, uia tutem aut cerni non posse, nisi habeat uita contraria: aut non esse perfectam, nisi exerceatur aduersis. Hanc enim deus bonorum & malorū uoluit esse distantiam, ut qualitatem boni ex malo sciamus, item mali ex bono: nec alterius ratio intelligi sublato altero potest. Deus ergo non exclusit malum, ut ratio uirtutis cōstare posset. Quomodo enim patientia uim suam, nomenq; retineret, si nihil esset, quod pati cogeremur? Quomodo laudem mereretur deuota deo suo fides, nisi esset aliquis, qui à deo uellet auertere? Nam & ideo potentiores esse iniustos permisit, ut cogere ad malum possent: ideo plures, ut uirtus esset preciosa, quod rara est. Quod quidem ipsum Quintilianus egregie ac breuiter ostendit in capite obuoluto. Nam quæ, inquit, uirtus esset innocentia, nisi laudem raritas dedisset?

Virtus in aduersis perficitur. **B**onum ex male intelligitur. Verum quia natura sic comparatum est, ut odium, cupiditas, ira, in id quod incubuerint agant cæcos, supra hominem uidetur culpa uacare. Alioqui si natura parentes omnibus affectus dedisset, pietas nihil erat. Hoc quam uerum sit, doceat necessitas ipsa rationis. Si enim uirtus est, malis ac uitio foriter repugnare, apparent sine malo ac uicio nullam esse uirtutem: quam deus ut absolutam perfectamq; redderet, retinuit illud, quod erat ei contrarium, cum quo depugnare posset. Agita ta enim malis quotientibus, stabilitatem capit, & quanto frequentius impellitur, tanto firmius roboratur. Hæc nimurum causa effecit, ut quamvis sit hominibus missa iustitia, tamen aureum seculum non esse dicatur, quia malum non sustulit, ut retineret diuersitatem, quæ sacramentum diuinæ religionis continet sola.

Quare iustitia, quæ in propatulo est, non uideatur ab hominibus: & quod homo dei templum est, non aurū, nec lapides: Et quod deus uirtutibus colendus est, non corruptibilibus donis: Et quod omnia mala ex eo proueniunt, quod plures dij coluntur: quia si unus solus uere coleretur, omnes iura fraternitatis agnoscerent,

& exercerent. Cap. VIII



Vi ergo putant iustum esse neminem, ante oculos habent iustitiam, sed eam nolunt cernere. Quid est enim cur illam uel in carminibus, uel in omni sermone describant, cōquerentes eius absentiam, quā sit facilimū bonos esse, si uelint? Quid uobis inanē iustitiā depingitis, & optatis

A optatis cadere de cœlo tanquam in aliquo simulacro figuratam: Ecce in conspe
ctu uestro est: suscipite, si potestis, eamq; in domicilio uestrī pectoris constituite.
Nec difficile, nec alienum à temporibus existimetis. Estote æqui ac boni, & seque
tur uos sua sponte iustitia, quam quæritis. Deponite omnē malam cogitationem
de cordibus uestris, & statim uobis illud tempus aureum reuertetur: quod aliter
consequi non potestis, quām si uerum deum colere cœperitis. Vos autem manen
te cultu deorū, iustitiam desideratis in terra, quod fieri nullo pacto potest: sed ne
tum quidem potuit, quū putatis: quia nondum natis dīs istis, quos impie colitis,
necessē est unius dei cultum fuisse per terrā, eius scilicet qui execratur malitiam,
exigitq; bonitatem: cuius templum est, non lapides, aut lutum, sed homo ipse, qui
figuram dei gestat: Quod templum non auro, & gemmarum donis corruptibili
bus, sed æternis uirtutum muneribus ornatur. Discite igitur (si quid uobis reli
quæ mentis est) homines ideo malos & iniustos esse, quia dīj coluntur: & ideo ma
la omnia rebus humanis quotidie ingrauescere, quia deus huius mundi effector
& gubernator derelictus est: quia suscepτae sunt cōtra quām fas est impia religio
nes. Postremo, quia ne coli quidem uel à paucis deum sinitis. Quod si solus deus
coleretur, non essent dissensiones & bella, quum scirent homines se unius dei fi
lios esse, ideoq; diuinæ necessitudinis sacro, & inuiolabili uinculo copulatos.
Nullæ fierent insidiæ, quū scirent cuiusmodi poenas deus animarum interpectoris
bus præparet, qui clandestina scelera, & ipsas etiam cogitationes præuidet. Non
essent fraudes neq; rapinæ, si deo præcipiētē dīdicissent, & suo & paruo esse con
tentī: ut fragilibus & caducis, solida & æterna præferrent. Non essent adulteria,
& mulierū prostitutiones, & stupra, si esset notum omnibus damnari à deo, quic
quid appetitur ultra generandi cupiditatem. Nec fœminā necessitas cogeret pu
dorem suum profanare, ut uictum sibi obſcenissimum querat, quū & mares libi
dinem contemnerent, & habentium pia & religiosa collatio non habentibus sub
ueniret. Non essent igitur (ut dixi) haec omnia in terris mala, si ab hominibus in le
gem dei coniuraretur: si ab uniuersis fierent, quæ unus noster populus operatur:
quām beatus esset, quamq; aureus humanarum rerum status, si per totum orbem
mansuetudo, & pietas, & pax, & innocentia, & æquitas, & tēperantia, & fides mo
raretur. Deniq; ad regendos homines non opus esset tam multis, & tam uarijs le
gibus, quū ad perfectā innocentia dei lex una sufficeret: neq; carceribus, neq; gla
dīs præsidū, neq; terrore pœnarū, quū præceptorū cœlestiū salubritas humanis
pectoribus infusa, ultro ad iustitiae opera homines erudiret. Nunc aut̄ mali homi
nes sunt ignorantia recti ac boni: quod quidē Cicero uidit. Disputans enim de le
gibus: Sicut una, inquit, eademq; natura mundus omnibus partibus inter se con
gruentibus cohæret ac nittitur: sic omnes homines inter se natura confusi, prauit
ate dissentient: nec se intelligunt esse consanguineos, & subiectos omnes sub
unam eandemq; tutelam: quod si teneretur, deorum profecto uita homines uiue
rent. Vniuersa igitur mala, quibus humanū genus seipsum inuicē con
ficit, iniustus atq; impius deorū cultus induxit. Nec enim
poterant retinere pietatem, qui communem
omniū patrem deum, tanquā pro
digī ac rebelles liberī ab
negassent.

Deorum cul
tus mala rebus
humanis inue
xit.

L. COELII LACTANTII

C Quod iniqui iustitiam, quam sibi abesse sentiunt, omnibus abesse putant, & in eos qui iustiores & innocentiissimi sunt, atrocis sentiunt, id est in seruos Christi, mensuram patrum implentes, qui caput omnium iustorum Christum occiderunt, eo quod disimilitudo uitæ criminosa sitiat sanguinem innocentium. Cap. IX



Onnunq; tamen sentiunt se malos esse, & ueterū seculorū statum laudant, & de moribus suis meritisq; coniectant abesse iustitiam, quam obuersantem oculis suis non tantum non suscipiunt, nec agnoscent, uerum etiam uiolenter oderunt, & persequuntur, & exterminare contendunt. Fingamus hanc interim non esse iustitiam, quam nos sequimur, quomo-
do, si illa uenerit, quam ueram putant, eam recipient: qui laniant & occidunt eos, quos & ipsi fatentur imitatores esse iustorum, quia bona operantur & iusta: quum si tantummodo malos occiderent, digni essent, ad quos iustitia nō ueniret, cui nul-
la fuit alia causa linquendi terram, quam humani cruoris effusio. Quanto magis,
quum pios interficiant, & ipsos iustitiae sectatores pro hostibus ducant: imo uero
plus quam pro hostibus, quibus utiq; quū animas eorum, & opes, & liberos ferro & igni appetant, tamen parcitur uictis, & est locus inter arma clementiae. Aut
si adeo sauire placuit, nihil plus in eos sit, quam ut occidantur, uel in seruitute ad-
ducantur. Hoc uero inenarrabile est, quod fit aduersus eos, qui malefacere ne-
sciunt. Et nulli nocentiores habent, quam qui sunt ex omnibus innocentibus.
Au-
dient igitur homines improbissimi iustitiae facere mentionē, qui feras immanitate
uincunt: qui placidissimum dei gregē ustant, ceu lupi rapaces atra in nebula, quos
improba uentris Exegit cæcos rabies. Verum hos non uentris, sed cordis rabies
efferauit: nec atra nebula, sed aperta prædatione grassantur: nec eos unquam con-
scientia scelerū reuocat, ne sanctum ac piū nomen iustitiae ore illo uiolent, quod
cruore innocentium, tanquam rictus bestiarum madent. Huius tanti & tam pertina-
cis odij quam potissimum causam esse dicamus: Vtrum ne ueritas odium pariat,
ut ait poëta, quasi diuino spiritu instructus: an erubescūt corā iustis & bonis esse
nequā, an potius utruncq;: Nam & ueritas ideo semper inuisa est, quod is qui pec-
cat, uult habere liberū peccandi locū: nec aliter se putat malefactorū uoluptate se-
carius perfrui posse, quam si nemo sit, cui delicta nō placeant. Ergo tanquam sceler-
um & malitiæ suæ testes extirpare funditus nituntur & tollere: grauesq; sibi pu-
tant, tanquam uita eorū coarguatur. Cur enim sint aliqui intempestiue boni, qui
corruptis moribus publicis, conuicii bene uiuendo faciant? Cur non omnes sint
æque mali, rapaces, impudici, adulteri, periuri, cupidi, fraudulentii: quin potius
auferantur, quos coram male uiuere pudet, qui peccantium fontem, & si non uer-
bis, quia tacent, tamen ipso genere uitæ dissimili feriunt & uerberant? Castigare
enim uidetur quicq; dissentit. Nec est magnopere mirandū, si aduersus homines
ista fiunt, quū aduersus ipsum deum propter eandē causam insurrexit etiā popu-
lus in spe constitutus, nec dei nescius: sequiturq; iustos eadē necessitas, quæ ipsum
iustitiae uiolauit auctorē. V exāt ergo, & exquisitis poenarii generibus excruciant:
parumq; habent interficere quos oderūt, nisi etiam crudelitas corporibus illudat.
Si qui aut̄ doloris, uel mortis metu, uel superte perfidia coeleste sacramentū dese-
ruerint, & ad funesta sacrificia consenserint, eos laudant, & honoribus mactant,
ut eorum exemplo caeteros illiciant. Qui autem magni existimauerint fidem, cul-
toresq; se dei non abnegauerint, in eos uero totis carnificinæ suæ uiribus, ueluti
sanguinem sitiant, incumbunt, & desperatos uocant: quia corpori suo minime
parcūt, quasi quicquam desperatius esse possit, quam torquere ac dilaniare eum,
quem scias innocentem. Adeo uero nec pudor ullus apud eos superest, à quibus
abest

A abest omnis humanitas, & detorquent in homines iustos conuicia sibi congruentia. Impios enim uocant ipsi scilicet p̄ij, & ab humano sanguine abhorrentes: quū si & actus suos considerent, & illorum quos tanquam impios damnant, iam intel ligant quām mendaces sint, & ijs omnibus, quae aduersus bonos aut dicunt aut faciunt, digniores. Non enim de nostro, sed de illorum numero semper existunt, qui uias obsideant armati, maria prædentur: uel si palam grassari non licuit, uene na clam temperent; qui uxores necent, ut dotes earum lucentur: aut maritos, ut adulteris nubant: qui natos ex se pueros aut strangulēt, aut si nimium p̄ij fuerint, exponant: qui libidines incestas nec à filia, nec à sorore, nec à matre, nec à sacerdo te contineant: qui aduersus ciues suos patriamq; coniurent: qui necq; eculeum ti meant: qui deniq; sacrilegia cōmittant, & deorū, quos colunt, templo dispolient: & ut quae leuia sunt atq; usitata dicamus, qui hæreditates captent, testamenta sup ponant, iustos hæredes uel auferant, uel excludant: qui corpora sua libidinibus prostituāt: qui deniq; immemores quod nati sunt, cum foemini patientia certent: qui sanctissimā quoq; corporis sui partē contra fas omne polluant, & profanent: qui uirilia sua ferro metant: & quod est sceleratius, ut sint religionis antistites, qui nec uitæ quidem suæ parcant, sed extinguendas publice animas uendant: qui si iudices sedeant, aut immeritos perdant mercede corrupti, aut noxios impune di mittant: qui cœlū quoq; ipsum ueneficijs appetant, tanq; eorum malitiā terra non capiat. Hæc inquā, & his plura scelera utiq; ab ijs fiunt, qui deos colunt. Quis inter hæc tot & tanta iustitiae locus est? Etego de multis pauca collegi: non ut ar guerē, sed ut ostenderē. Qui uolēt scire omnia, Senecæ libros in manus sumāt, qui morū uitiorumq; publicorū & descriptor uerissimus, & accusator acerrimus fuit.

B Sed et Lucillius tenebrosam istā uitā circūscripter beuiterq; depinxit his uersibus:

Nunc uero à mane ad noctem, festo atq; profesto,
Totus item pariterq; dies, populusq; patresq;
Iactare, inde foro omnes, & decedere nusquam.
Vni se, atq; eidem studio omnes dedere, & arti.
Verba dare, ut caute possint pugnare, dolose
Blanditia certare, bonum simulare uirum se,
Insidias facere, ut si hostes sint omnibus omnes.

Nostro autem populo quid horū potest obijci, cuius omnis religio est sine scele re, ac sine macula uiuere? Quū igitur uideant se ac suos, ea quae diximus gerere, nostros autem nihil aliud operari, nisi æquum & bonum, poterant (si quid sape rent) ex hoc intelligere & illos, qui bonum faciunt, pios esse, & se impios, qui nefanda cōmittunt. Neq; enim fieri potest, ut qui in omnibus uitæ suæ actibus nō er rant, in ipsa summa errant, hoc est in religione, quæ rerū omnium caput est. Impie tas enim suscepta in eo quod est summum, per cætera uniuersa frequentat: eoq; fieri nō potest, ut ipsi qui errant in omni uita, nō etiam in religione fallantur: quo niam pietas in summo regulam tenens, tenorē suum seruat & in cæteris. Ita sit in utraq; parte, de conditione rerum, quæ geruntur, qualis sit summa ipsa noscatur.

De impia iniquorum, qui deum nesciunt, pietate: Et quid, & ubi sit uera
pietas, quam deorum cultores assequi nequeunt propter
subiectas causas.

Cap. X



Peræprecium est cognoscere illorum pietatem, ut ex ijs, quæ clemen ter ac pie faciunt, possint intelligi qualia sint, quæ ab his contra iura pietatis geruntur. At ne quem uidear inclementer incessere, aliquam mihi personā poëticam sumā, quæ sit uel maximū pietatis exemplum,

*Nefaria genti
lium flagicia.*

c Apud Maronem rex ille, Quo iustior alter
 Nec pietate fuit, nec bello maior & armis:
 Quæ nobis documenta iustitiae protulit:
 Vinxerat & post terga manus, quos mitteret umbris,
 Inferias cæso sparsuros sanguine flamas.
 Quid potest esse hac pietate dementius, quam mortuis humanas uictimas immo-
 lare: & ignem crux hominum tanquam oleo pasceret? Sed fortasse hoc non ipsius
 uitium fuerit, sed poëta, qui insignem pietate uirum, insigni scelere foedauit. Vbi
 est ergo, poëta, illa pietas, quam saepissime laudas?
 Ecce pius Aeneas, Sulmone creatos
 Quatuor hic iuuenes, totidem quos educat Vfens,
 Viuentes rapit inferias, quos immolet umbris,
 Captiuoq; rogi perfundat sanguine flamas.
 Cur ergo dicebat eodem ipso tempore, quo uincitos ipsos homines ad immola-
 tionem mittebat, Evidem & uiuis concedere uellem: quū quos uiuos habebat
 in potestate, uice pecudum iuberet occidi? Sed hæc (ut dixi) culpa non illius fuit,
 qui literas fortasse non didicerat, sed tua: qui quū esles eruditus, ignorasti tamen
 quid esset pietas: & illud ipsum, quod nefarie, quod detestabiliter fecit, pietatis
 esse officium crediti: uidelicet ob hoc unum pius uocatur, quia patrem dilexit.
 Quid quod bonus Aeneas haud aspernanda precates trucidauit: adiuratus enim
 per eundem patrem, & spem surgentis Iuli, nequaquam perpercit furij accen-
 sus & ira. Quisquam ne igitur putet hunc aliquid in se uirtutis habuisse, qui & fu-
 rore tanquam stipula exarserit: & manum patris, per quem rogabatur, oblitus,
 iram frenare non quiuerit? Nullo igitur modo pius, qui non tantum non repu-
 gnantes, sed etiam precantes interemit. Dicet hic aliquis: Quæ igitur, aut ubi, aut
 qualis est pietas? Nimurum apud eos, qui bella nesciunt, qui concordiam cum o-
 mni ui seruant, qui amici sunt etiam inimicis, qui omnes homines pro fratribus di-
 ligunt, qui cohibere iram sciunt, omnemq; animi furorem tranquilla moderatio-
 ne lenire. Quanta igitur caligo, quanta tenebrarū & errorū nubes hominum pe-
 cتورا obduxit: qui quū se maxime piros putant, tum maxime fiunt impij. Quanto
 enim religiosius terrenis istis simulacris seruiunt, tanto magis scelerati aduersum
 nomen diuinitatis ueræ existunt. Itaq; pro merito impietatis suæ grauioribus ma-
 lis saepe uexantur: quorū causam quia nesciunt, Fortunæ culpa omnis ascribitur:
 & locum inuenit Epicuri philosophia, nihil ad deos pertinere censentis: nec gra-
 tia eos tangi, nec ira moueri: quia & contemptores eorum saepe uideant beatos,
 & cultores saepe miseros. Quod eo fit, quia quū religiosi uideantur, & natura bo-
 ni, nihil tale creduntur mereri, quale saepe patiuntur. Consolantur se tamen accusa-
 tione fortunæ: nec sentiūt, quod si esset ulla, cultoribus suis nunquam noceret.
 Merito igitur huiusmodi pietatem poena consequitur: & offensa diuinitas scelere
 hominum prae reliquo, graui eos infortunio mactat: qui licet sanctis mori-
 bus uiuant summa fide atque innocentia, tamen quia deos colunt, quorum ritus
 impios ac profanos deus uerus odio habet, à iustitia, & à nomine ueræ pietatis a-
 lieni sunt. Nec est difficile docere, cur deorum cultores boni & iusti esse nō pos-
 sint. Quomodo enim sanguine abstinebunt, qui colunt cruentos deos, Martem,
 atq; Bellonam? Quomodo autem parentibus parcent, qui expulsorem patris sui
 Iouem: aut natis ex se infantibus, qui colunt Saturnū? Quomodo pudicitiam tue-
 buntur, qui colunt deam nudam & adulteram, & quasi apud deos prostitutam?
 Quomodo se à rapinis & fraudibus abstinebunt, qui Mercurij furtæ nouerunt,
 docentis

Apud quos sit
pietas uera.

A docentis non fraudis esse decipere, sed astutiae: Quomodo libidines coērcebunt, qui Iouem, Herculem, Liberum, Apollinem, cæterosq; uenerantur, quorū adulteria & stupra in mares & foeminas non tantum doctis nota sunt, sed exprimuntur etiam in theatris atq; cantantur, ut sint omnibus notiora: Possunt ne inter hæc iusti esse homines, qui etiam si natura sint boni, ab ipsis tamen dijs erudiantur ad iniustitiam: Ad placandū enim deum, quem colas, ijs rebus opus est, quibus illum gaudere ac delectari scias. Sic fit, ut uitam colentiū deus pro qualitate numinis sui formet: quoniam religiosissimum est cultus imitari.

Quod persecutores Christianorum non modo bestie fuerint, sed ipsis bestiis brutiores & truciores. Quibus, & quare tormentis martyres afficiant.

Cap. XI



Is igitur hominibus, qui deorum suorū moribus congruunt, quia gravis est & acerba iustitia, eandem impietatem suam, qua in cæteris rebus utuntur, aduersus iustos uiolenter exercent. Nec immerito a propheticis bestiæ nominantur. Præclare itaq; M. Tullius: Etenim si nemo est, inquit, qui mori malit, quam cōuerti in aliquam figuram bestiæ, quamvis mentem hominis habiturus: quanto est miserius in hominis figura animo esse efferato: mihi quidē tanto uidetur, quanto est præstabilior animus corpore. Aspernantur itaque corpora belluarum, quibus sunt ipsis sœuiores: sibiq; adeò placent, quod homines sint nati, quorum nihil nisi lineamenta & summam figuram gerunt. Nam quis Caucasus, quæ Indiæ, quæ Hyrcania tam immanes, tam sanguinarias bestias unq; aluit: Quoniam ferarum omniū rabies usq; ad uentris satietatem furit, fameq; se data protinus cōquiescit. Illa est uera bestia, cuius una iussione funditur ater ubiq; crux, crudelis ubiq; luctus, ubique pauor, & plurima mortis imago. Nemo huius

B tantæ belluæ immanitatē potest pro merito describere, quæ uno loco recubans tam per totū orbem dentibus ferreis sœuit, & non tantū artus hominū dissipat, sed & ossa ipsa cōminuit & in cineres fundit, ne quis extet sepulturæ locus: quasi uero id affectent, qui deum cōfitentur, ut ad eorū sepulchra ueniatur, ac nō ut ipsis ad eum perueniant. Quænam illa feritas, quæ rabies, quæ insania est, lucē uiuīs, terrā mortuis denegasse: Dico igitur nihil esse miserius ijs hominibus, quos ministros futoris alieni, quos satellites impiæ iussionis necessitas aut inuenit aut fecit: Nō enim honor ille aut prouectio dignitatis fuit, sed hominis dānatio ad carnificinā, dei uero ad poenam sempiternā. Quæ autem per totū orbem singuli gesserint, enarrare impossibile est. Quis enim uoluminū numerus capiet tam infinita, tam uaria genera crudelitatis: Accepta enim potestate, pro suis moribus quisq; sœuit: alijs præ nimia tumiditate plus ausi sunt, q; iubebant: alijs suo proprio aduersum iustos odio, quidam naturali mentis feritate, nōnulli ut placerent, & hoc officio uiam sibi ad alii munirent: alijs ad occidendū præcipites extiterunt, sicut unus in Phrygia, qui uniuersum populum cum ipso pariter conuenticulo concremauit. Sed hic quanto sœuior, tanto clementior inuenitur. Illud uero pessimum genus est, cui clementia species falsa blanditur; ille sœuior, ille grauior est carnifex, qui neminem statuit occidere. Itaq; dici non potest, huiusmodi iudices quanta & quam grauiam tormentorum genera excogitauerint, ut ad effectū propositi sui peruenirent. Hæc autem non tantum ideo faciunt, ut gloriari possint, nullum se innocentū peremisse (nam & ipse audiui aliquos gloriates, quia administratio sua in hac parte fuerit incruenta) sed inuidiæ causa, ne aut ipsis uincantur, aut illi uirtutis sua gloriā consequantur. Itaq; in excogitandis poenarum generibus nihil aliud quam uictoriā cogitant. Sciunt enim certamen illud esse & pugnam. Vidi ego in Bithynia præsidem gaudio mirabiliter elatum, tanquam Barbarorū gentem aliquā subegisset, quod

Sœuitorum in Christianos.

C unus qui per biennium magna uirtute restiterat, postremo cedere uisus est. Con-
tendit igitur ut uincant, & exquisitos dolores corporibus immittunt: & nihil aliud
euitant, quam ut ne torti moriantur: quasi uero mors tantum nos beatos faciat, ac
etiam non tormenta quanto fuerint grauiora, tanto maiorem uirtutis gloriam pa-
riant. Illi autem pertinaci stultitia iubent curam tortis diligenter adhiberi, ut ad alios
cruciatus membra renouentur, & reparetur nouus sanguis ad pœnam. Quid tam
pium, tam beneficū, tam humanū fieri potest: nō curasent tam sollicitē quos ama-
rent. Hæc est deorū disciplina: ad hæc opera cultores suos eruditūt, hæc sacra desi-
derant. Quinetia sceleratissimi homicidæ contra pios impia iura cōdiderunt: nam
& cōstitutiones sacrilegæ, & disputationes iurisperitorū leguntur iniustæ. Domi-
nus de officio proconsulī libro septimo, rescripta principū nefaria collegit, ut do-
ceret quibus pœnis affici oporteret eos, qui se cultores dei confiterentur.

Quomodo ipsi carnificibus grati facti sunt, qui diligunt inimicos: Et quod expetibilius est esse bo-
num, & malum putari, quam malum esse & uideri bonum. Cap. X II



V id ijs facias, qui ius uocant carnificinas ueterum tyrannorum aduer-
sus innocentes rabide saeuientium: Et quum sint iniustitiae crudelita-
tisq; doctores, iustos esse se tamen ac prudentes uideri uolunt, cæci, &
hebetes, ac rerū & ueritatis ignari. Adeōne uobis ô perditæ mētes in-
uisa iustitia est, ut eam summis sceleribus adæquetis? Adeōne apud uos perit inno-
centia, ut ne morte quidē simplici dignam iudicetis? Sed supra omnia facinora ha-
beatur, nullum facinus admittere, pectusq; purū ab omni sceleris cōtagione præ-
stare. Et quoniam communiter cum deorum cultoribus loquimur, liceat per uos
benefacere nobiscum. Hæc est enim lex nostra, hoc opus, hæc religio. Si uobis fa-
pientes uidemur, imitamini: si stulti, cōtemnite, aut etiā ridete, si libet: nobis enim
stultitia nostra prodest. Quid laceratis? quid affligitis? non inuidemus sapientiae
uestræ. Hanc stultitiæ malum, hanc amplectimur. Hoc nobis credimus expedi-
re, ut uos diligamus: & in uosipso, qui odistis, omnia cōferamus. Est apud Cicero
nem non abhorrens à uero locus in ea disputatione, quæ habetur à Furio cōtra iu-
stitiam: Quæro, inquit, si duo sint, quorum alter optimus uir, & quod summus, summa
iustitia, singulari fide: alter insigni scelere & audacia: & si in eo sit errore ciuitas, ut
bonum illum uirum, sceleratum, facinorosum, nefarium putet: contrâ autem, qui sit
improbissimus, existimet esse summa probitate ac fide: proq; hac opinione omniū
ciuium bonus ille uir uexetur, rapiatur, manus ei denique auferantur, effodiuntur
oculi, damnetur, uinciatur, uratur, exterminetur, egeat: postremo iure etiam opti-
mo omnibus miserrimus esse uideatur: Contrâ autem ille improbus laudet, colat,
ab omnibus diligatur, omnes ad eum honores, omnia imperia, omnes opes,
omnes deniq; copiæ conferantur, uir deniq; optimus omnium aestimatione, & di-
gnissimus omni fortuna iudicet. Quis tandem erit tam demens, qui dubitet utrum
se esse malit? Profectò quasi diuinaret, quæ nobis mala, & quomodo euentura es-
sent propter iustitiam, hoc posuit exemplum. Hæc enim populus noster patitur
omnia, errantiū prauitate. Ecce in eo est errore ciuitas, uel potius orbis ipse totus,
ut bonos & iustos uiros tanquam malos & impios persecutur, excruciet, damnet,
occidat. Nam quod ait neminem esse tam demētem, qui dubitet utrum se esse ma-
lit: Ille quidē, ut is qui contra iustitiam disserebat, hoc sensit: malo sapiente malum
esse cum bona aestimatione, quam bonū cum mala. A nobis autem absit hæc amen-
tia, ut falsum uero anteponamus. An boni nostri qualitas ex populi potius pende-
bit erroribus, quam ex conscientia nostra, & iudicio dei? Aut aliqua nos felicitas
illicit unquam, ut non potius ueram bonitatē, cum omni malo, quam falsum, cum
omni

A omni prosperitate malimus: Sua sibi habeant regna reges, suas diuitias diuites (ut loquitur Plautus) suam uero prudentiam prudentes: relinquant nobis stultitiam nostram, quam uel ex hoc apparet esse sapientia, quod eam nobis inuident. Quis enim stulto inuideat, nisi qui ipse sit stultissimus? Illi autem non adeo sunt stulti, ut stultis inuideant: sed ex eo quod accurate, quod solicite persequuntur, stultos non esse concedunt: cur enim tam crudeliter saeuunt, nisi quia metuunt, ne indies inualesceat in iustitia, cum diis suis (quos Narinosos appellant, quod odoribus thuris colantur) + Narinosis relinquantur? Si ergo cultores deorum sapientes sunt, nos tuaricosis stulti, quid metuunt ne sapientes illiciantur a stultis?

Quod ex eo patet iustitia Christianae religionis, et ueritas fidei, quod de cultoribus deorum crescit ecclesia: sed de ecclasia nec minis, nec tormentis compelli possint ad cultum deorum: licet quidam sacrificasse ex infirmitate legantur inuiti, qui tamen postea per poenitentiam, in quo Nouatia confutantur, surrexerunt fortiores: Et quod patientia martyrum solidissimum est Christianae religionis fundamentum. Cap. XIII



Vum autem noster numerus semper de deorum cultoribus augeatur, nunquam uero, ne in ipsa quidem persecutione minuatur: quoniam peccare homines, & inquinari sacrificio possunt, auerti autem a deo non possunt (ualet enim uia sua ueritas) quis est tam excors, tamque cæcus, qui non uideat, quæ in utraque sit parte sapientia? Sed illi malitia & furore cæcantur, ne uideant: stultosque arbitrantur esse, qui quum habeant in sua potestate supplicia uitare, cruciari tamen & mori malunt: quū possint ex eoipso prouidere non esse stultitiam, in quam tanta hominum millia per orbem totum una & parimente consenserunt. Si enim foeminæ sexus infirmitate labitur (nam interdum isti muliebrem &

B anilem superstitionem uocant) uiri certe sapiunt. Si pueri, si adolescentes imprudentes sunt per ætatem, maturi certe ac senes habent stabile iudicium. Si una ciuitas desipit, cæteræ utique innumerabiles stulta esse non possunt. Si una prouincia, una natione prouidentia caret, cæteras omnes habere intelligentiam recti necesse est. Quū uero ab ortu solis usque ad occasum lex diuina suscepit: & omnis sexus, omnis ætas, & gens, & regio unis ac paribus animis deo seruant, eadem sit ubique patientia, idem contemptus mortis, intelligere debuerat, aliquid in ea re esse rationis, quod non sine causa usque ad mortem defendatur: aliquid fundamenti ac soliditatis, quod eam religionem non tantum iniurijs ac uexatione non soluat, sed augeat semper & faciat firmorem. Nam & in hoc quoque illorum malitia conuincitur, qui euertisse se funditus religionem dei opinantur, si homines inquinauerint, quum & deo satisfacere liceat, & nullus sit tam malus dei cultor, quin data facultate, ad placandum deum reuertatur, & quidem deuotione maiori. Peccati enim conscientia, & metus poenæ religiosorem facit: & semper multo firmior est fides, quam reponit poenitentia. Si ergo ipsi, Fides ex poenitentia firmior. quū deos arbitratur sibi iratos, tamen donis & sacrificijs & odoribus placare eos credunt: quid est tandem quod deum nostrum tam immitem, tam implacabilem putent, ut uideatur is iam Christianus esse non posse, qui diis eorum coactus inuitusque libauerit? nisi forte contaminatos semel putant animos translatiuros, ut sua sponte facere incipiunt, quod per tormenta fecerunt. Quis id officium libens subeat, quod ab iniuria coepit? Quis quum uideat laterum suorum cicatrices, non magis oderit deos, propter quos æterna poenaria insignia, & impressas uisceribus suis notas gestet? Ita fit, ut data diuinatus pace, & qui fuerunt uniuersi redeant: & alius propter miraculum uirtutis nouus populus accedit. Nam quū uideat uulnus dilacerari homines uarijs tormentorum generibus, & inter fatigatos carnifices iniunctam tenere patientiam, existimant, id quod res est, nec consensum tam multorum, nec perseverantiam

L. COE LII LACTANTII

C morientium uanam esse, nec ipsam patientiam sine deo cruciatus tantos posse superare. Latrones & robusti corporis uiri eiusmodi lacerationes perferre nequeunt, exclamat, & gemitus edunt: uincunt enim dolore, quia deest illis inspirata patientia. Nostrorum autem, ut de uiris taceam, pueri & mulierculæ tortores suos tacite uincunt, & exprimere illis gemitum nec ignis potest. Eant Romani, & Mutio gloriantur, & Regulo: quorum alter necandum se hostibus tradidit, quod captiuum puduit uiuere: alter ab hostibus deprehensus, quū uideret se mortem uitare non posse, manum foco iniecit, ut pro facinore suo satisfaceret hosti, quem uoluit occidere: eaçp poena ueniam, quam nō meruerat, accepit. Ecce sexus fœmineus & fragilis ætas dilacerari se toto corpore, uricp perpetitur: nō necessitate, quia licet uita si uellent: sed uoluntate, quia confidunt in deo.

De uera uirtute Christianorum, qui in culmine patientiae constituti, philosophos laudatores patientiae antecedunt uirtute patendi: Et quod uanum & stultum est imaginatam terram, ut deum colere. Cap. XLI



Ed hæc est uera uirtus, quam philosophi quoç gloriabūdī non re, sed uerbis inanibus iactant: differentes nihil esse tam cōgruens uiri sapientis grauitati atçp cōstantiæ, quām nullis terroribus de sententia & proposito posse depelli: sed tanti esse cruciari & mori, ne fidem prodat, ne ab officio discedat, ne metu mortis, aut dolore acerbo subactus, aliquid faciat iniustum: nisi forte delirare illi uidetur Flaccus in Lyricis, quum dicit:

Iustum & tenacem propositi uirum,
Non ciuium ardor praua iubentium,
Non uultus instantis tyranni

D Mente quatit solida.

Quo nihil uerius dici potest, si hoc ad eos referat, qui nulos cruciatus, nullā mortem recusant, ne à fide iustitiaçp declinent: qui non tyrannicas iussiones, non præsum gladios tremunt, quo minus ueram & solidam libertatē constanti mente defendant, quæ in hoc solo tuenda sapientia est. Quis enim tam insolens, tam elatus est, qui me uetet oculos in cœlū tollere? Quis imponat mihi necessitatē uel colendi quod nolim, uel quod uelim nō colendi? Quid nobis iam ulterius relinquetur, si euā hoc quod uoluntate fieri oportet, libido extorqueat aliena? Nemo istud efficiet, si quid nobis ad cōtemnendam mortem doloremçp uirtutis est. Quam cōstantiam si tenemus, cur stulti iudicamur, facientes ea quæ philosophi laudant? Recte igitur Seneca incongruentia hominibus obiectans ait: Summa uirtus illis uidetur magnus animus. Et idem: Eum, qui contemnit mortem, pro furioso habent: quod est utiqz summa peruerstatis. Sed iij uanarum religionum cultores eadem stultitia id obiiciunt: quia uerū deum non intelligūt, quos Sibylla Erythræa οὐ φέσεις αὐοίγτες uocat, surdos scilicet & excordes: qui nec audiant diuina, nec sentiant, sed terram digitis suis imaginatam metuant & adorent.

Quare sapientes habentur pro stultis: & quomodo in duabus præcipue uirtutibus, pietate scilicet & æquitate, iustitia constet: & quid pietas secundum Trismegistum, & quid æquitas secundum Ciceronem: quarum neutrām assequi potuerunt Romani, uel Græci, nec aliqui, nisi Christiani. Cap. XV



Væ uero causa sit, ut eos, qui sapiētes sunt, stultos putent, magna ratio est: nec enim frustra falluntur: quæ nobis diligenter est explicanda, ut errores suos tandem (si fieri potest) agnoscant. Iustitia sua pte natura spe ciem quādam stultitiæ habet: quod ego & diuinis & humanis testimonijs confirmare possum. Sed nihil fortasse apud istos agemus, nisi eos de suis doceamus

A ceamus autoribus, non posse iustū quenq; esse, quod est coniunctū cum uera reli-
gione aut sapientia, nisi stultus esse videat. Carneades Academicæ sectæ philoso-
phus, cuius in differendo quæ uis fuerit, quæ eloquētia, quod acumen, qui nescit, is Carneadis phi-
losophi eloquē
tia.
ex prædicatione Ciceronis intelliget, aut Lucillij: apud quem differens Neptunus
de re difficilima, ostēdit nō posse id explicari, nec si Carneadē ipsum Orcus remit-
tat. Is quum legatus ab Atheniensibus Romā missus esset, disputauit de iustitia co-
piose, audiente Galba, & Catone censoribus, maximis tunc oratoribus. Sed dispu-
tationem suam postridie cōtraria disputatione subuertit, & iustitiam, quam pridie
laudauerat, sustulit: nō quidem philosophi grauitate, cuius firma & stabilis debet
esse sententia, sed quasi oratorio exercitiū genere in utrāq; partē differēdi. Quod
ille facere solebat, ut alios quodlibet afferentes posset refutare. Eam disputationē,
qua iustitia subuertitur, apud Ciceronem L. Furius recordatur. Credo quoniā de
Rep. disserebat, ut defensionē laudationemq; eius induceret, sine qua putabat re-
gī nō posse Rēmp. Carneades autem, ut Aristotelē resellereret ac Platonē, iustitiæ
patronos, prima illa disputatione collegit ea omnia, quæ pro iustitia dicebātur, ut
posset illa, sicut fecit, euertere. Erat enim facilimū iustitiam radices non habentem
labefactari, ut diceret inaniter laborari: quia tum nulla in terra fuit, ut quid esset,
aut qualis, à philosophis cerneretur: Atq; utinā tot ac tales uiri quantū eloquentiæ,
quantum animi, tantū etiam scientiæ ad implendam defensionem summæ uirtutis
habuissent: cuius origo in religionē, ratio in æquitate est. Sed ij, qui primam illam
partem nescierūt, ne secundā quidem tenere potuerunt. Volo autem prius circum-
scripte ac breuiter quid sit ostendere, ut intelligat philosophos ignorasse iustitiā:
nec id, quod minime nouerant, potuisse defendere. Iustitia quamvis omnes simul Iustitiae partes.

B uirtutes amplectatur, tamen duæ sunt omniū principales, quæ ab illa diuellī sepa-
rariq; nō possunt, pietas, & æquitas. Nam fides, temperatia, probitas, innocentia,
integritas, & cæteræ huiusmodi, uel natura uel institutis parentum possunt inesse
ijsdem hominibus, qui iustitiā nesciūt, sicuti semper fuerunt. Nam Romani uete-
res, qui iustitia gloriari solebant, ijs utiq; uirtutibus gloriabant, quæ (ut dixi) pro-
ficiuntur iustitia possunt, & ab ipso fonte secerni. Pietas uero & æquitas quasi uenae
sunt eius: his enim duobus fontibus cōstat tota iustitia. Sed caput eius & origo in
illo primo est: in secundo uis omnis ac ratio. Pietas autē nihil aliud est quam dei no-
tio, sicut Trismegistus uerissime definiuit, ut alio loco diximus. Si ergo pietas est Pietas.
cognoscere deum, cuius cognitionis summa est, ut eum colas: ignorat utiq; iusti-
tiā, qui religionē dei non tenet. Quomodo enim potest eam ipsam nosse, qui un-
de oriatur ignorat? Plato quidem multa de uno deo locutus est, à quo ait constitu-
tum esse mundū: sed nihil de religione: somniauerat enim deum, non cognouerat:
quod si iustitiæ defensionem uel ipse, uel quilibet aliis implere uoluisset, in primis
deorū religiones euertere debuit: quia cōtrariæ sunt pietati. Quod quidem Socratis
quia facere tentauit, in carcerem cōiectus est: ut iam tunc appareret, quid esset
futurū ijs hominibus, qui iustitiam ueram defendere, deoq; singulari seruire cō-
pissent. Altera igit̄ iustitiæ pars est æquitas: æquitatē nō dico utiq; bene iudicādi,
quod & ipsum laudabile est in hominē iusto: sed se cū cæteris coæquādi, quā Cice-
ro æqualitatē uocat. Deus enim, qui homines generat, & inspirat, omnes æquos,
id est pares esse uoluit. Eandē conditionē uiuendi omnibus posuit, omnes ad sapi-
entiā genuit, omnibus immortalitatē spopondit. Nemo enim à beneficijs eius cō-
lestibus segregat. Nam sicut omnibus unicū suum lumen æqualiter diuidit, emit-
tā omnibus fontes, uictum subministrat, quietem somni dulcissimam tribuit, sic
omnibus æquitatē uirtutemq; largitur. Nemo apud eum seruus est, nemo domi-

C nus. Si enim cunctis idem pater est, aequo iure omnes liberi sumus. Nemo deo pauper est, nisi qui iustitia indiget: nemo diues, nisi qui uirtutibus plenus est: nemo denique egregius, nisi qui bonus & innocens fuerit: nemo clarissimus, nisi qui opera misericordiae largiter fecerit: nemo perfectissimus, nisi qui omnes gradus uirtutis impleuerit. Quare neque Romani, neque Graeci iustitiam tenere potuerunt: quia dispersi multis gradibus homines habuerunt, a pauperibus ad diuites, ab humilibus ad potentes, a priuatibus denique usque ad regum sublimissimas potestates. Vbi enim non sunt uniuersi pares, aequitas non est, & excludit inaequalitas ipsa iustitiam, cuius uis omnis in eo est, ut pares faciat eos, qui ad huius uitae conditionem pari sorte uenerunt.

De aequitate Christianorum, quā philosophi non habentes nec inuenire, nec defendere potuerunt. Cap. XVI

DY obus igitur illis iustitiae fontibus immutatis, omnis uirtus, & omnis ueritas tollitur, & ipsa iustitia remigrat in coelum. Ideo non est uerum illud bonum a philosophis repertum: quia ignorabat, uel unde oriatur, uel quid efficeret: quod nullis alijs, praeterquam nostro populo reuelatum est. Dicet aliquis: Nonne sunt apud uos alij pauperes, alij diuites, alij serui, alij domini, nonne aliquid inter singulos interest? Nihil: nec alia causa est, cur nobis iniucem fratrum nomine impertiamur, nisi quia pares esse nos credimus: nam quum omnia humana non corpore, sed spiritu metiamur, tametsi corporum sit diuersa conditione, nobis tamen serui non sunt, sed eos & habemus, & dicimus spiritu fratres, religione conseruos. Diuitiae quoque non faciunt insignes, nisi quos possunt bonis operibus facere clariores. Diuites sunt enim, non qui diuitias habent, sed qui utunt illis ad opera iustitiae. Et qui pauperes uidentur, eo tamen diuites sunt, quia & egent, & concupiscunt nihil. Quoniam igitur & liberi seruis, & diuites pauperibus, humilitate animi pares simus, apud deum tamen uirtute discernimur. Tanto quisque sublimior est, quanto iustior.

Si enim iustitia est, quasi parem se etiam minoribus facere, quanque hoc ipso praeccellat, quod se inferioribus coequalitatem: tamen si non tantum quasi parem, sed etiam quasi minorem se gesserit, utique multo altiore dignitatis gradu deo iudice consequetur. Nam profectio in hac seculari uita, quoniam breuia & caduca sunt omnia, & praeferunt se alteris homines, & de dignitate contendunt: quo nihil fidelius, nihil arroganter, & nihil a sapientis ratione semotius: rebus enim coelestibus contraria sunt ista uniuersa terrena. Sicut enim sapientia hominum summa stultitia est apud deum, stultitia autem (ut docui) summa sapientia est: sic deo humiliis & abiectus est, qui fuerit conspicuus & sublimis in terra. Nam ut taceam, quod haec presentia terrae bona, quibus magnus honor tribuitur, uirtuti contraria sunt, & uigorem mentis eneruantur: quae tandem potest firma esse nobilitas, quae opes, quae potentia, quoniam possit deus reges quoque ipsos inferiores infirmis facere? Et ideo consulens nobis deus, inter diuina precepta illud praecepit posuit: Qui se extollit, humiliabitur: & qui se humiliat, exaltabitur. Cuius precepti salubritas docet, quod quise apud homines planum fecerit, humilemque præbuerit, hic apud deum præcellens & insignis habeatur. Nec enim falsa est illa sententia, quae apud Euripidem fertur in hunc modum: Quae hic mala putantur, haec sunt in coelo bona.

Quomodo Carneades, & iura pro utilitate sancta, & ueram in hominibus iustitiam, nisi forte stultis collegerit, inueniri non posse: Et quod ciuilis iustitia sapientia quidem habeat, sed iniusta: naturalis autem iusta sit utique, sed sapientiam omnino non habeat. Cap. XVII

Xposui causam, cur philosophi nec inuenire iustitiam, nec defendere potuerunt. Nunc redeo ad illud, quod intenderam. Carneades ergo, quoniam erant infirma quae a philosophis asserebantur, sumplit audaciam refellendi, quia refelli posse intellexit. Eius disputationis summa haec fuit

A fuit iura sibi homines pro utilitate sanxisse, scilicet uaria pro moribus, & apud eosdem pro temporibus sape mutata: ius autem naturale esse nullum. Omnes & homines, & animantes alias ad utilitates suas natura ducente ferri: proinde aut nullam esse iustitiam, aut si sit aliqua, summam esse stultitiam: quoniam sibi noceret, alienis cōmodis cōsulens. Et inferebat hæc argumēta: Omnibus populis, qui florerent imperio, & Romanis quoq; ipsiis, qui totius orbis potirent dominio, si iusti uelint esse, hoc est si aliena restituāt, ad casas esse redeūdum, & in necessitate ac miserijs iacentū. Carneadis de iustitia arguētā.

Tum omissis communib[us] ad propria ueniebat: Bonus uir, inquit, si habeat seruum fugitiuum, uel domū insalubrem ac pestilentem, quae uitia solus sciat, & ideo proscribat, ut uendat: utrum ne profitebitur fugitiuum seruū, ac pestilentem domum se uendere, an celabit emptorem? Si profitebitur emptori fugitiuum esse, bonus quidem, quia non fallat: sed tamen stultus iudicabitur, quia uel paruo uendet, uel omisso non uendet. Si celauerit, erit quidē sapiens, quia rei consulet: sed idem malus, quia fallat. Rursus, si reperiat aliquem, qui aurichalcum se putet uendere, quum sit illud aurum: aut plumbum, quum sit argentum: tacebit ne, ut id paruo emat, an id indicabit, ut magno? Stultum plane uidetur emere malle magno. Vnde intelligi uolebat, & eum qui sit iustus ac bonus, stultus esse: & eum qui sapiens, malum. Et tamen sine pernicie fieri posse, ut sint homines paupertate contenti. Trāsibat ergo ad maiora, in quibus nemo potest sine periculo uitæ iustus esse. Dicēbat enim: Nempe iustitia est hominem non occidere, alienum prorsus non attingere. Quid ergo iustus faciet, si forte naufragium fecerit, & aliquis imbecillior uiribus tabulam ceperit, nonne illum à tabula deturbabit, ut ipse conscedat, eaq; nixus euadat? Quum maxime sit nullus medio mari testis: si sapiens est, faciet: Ipsū enim pereūdum est, nisi fecerit. Si autem mori maluerit, quam manus inferre alteri, iam uero iustus est, sed stultus: qui uitæ suæ non parcat, dum parcit alienæ. Item si acie suorum fusa, hostes insequuntur cōperint, & iustus ille nactus fuerit aliquem saucium equo insidentem, eīne parcer, ut ipse occidatur, an deiſciet ex equo, ut ipse possit hostem effugere? Quod si fecerit, sapiens, sed idem malus: Si non fecerit, iustus, sed idem stultus sit necesse est. Ita ergo iustitiam quum in duas partes diuisisset, alteram ciuilem esse dicens, alteram naturalem, utrancq; subuertit: quod illa ciuilis, sapientia sit quidē, sed iustitia non sit. Naturalis autem, iustitia sit quidem, sed non sit sapientia. Arguta hæc plane & uenenata sunt, & quæ M. Tullius non potuerit refellere. Nam quum facit Lælium Furio respondentē, proq; iustitia dicentem, irrefutata hæc tanquam foueam prætergressus est: ut uideatur idem Lælius non naturalem, quæ in stultitiae crimen uenerat, sed illam ciuilem defendisse iustitiam: quam Furius sapientiam quidem esse concederat, sed iniustam.

Contra Carneadem, quod nec stultus potest esse iustus, nec sapiens iniustus: & quod innocentibus & iustis deus semper optime consulit, & necessaria prouidet: quæ patent ex definitione stultiæ, & sapientiæ: & que sit cognatio hominis & dei. Cap. XVIII

V od ad præsentem disputationē pertinebat, osīdi, quomodo iustitia similitudinem stultitiae gerat, ut appareat nō sine causa decipi eos, qui putant nostræ religionis homines stultos esse: qui talia uideantur face re, qualia ille proposuit. Nunc maius à me exigī sentio, ut ostendam, quare iustitiæ deus stultitiae specie cōuolutam ex oculis hominū uoluerit auferre, si prius Furio respondero: quia parū plene respondit Lælius, qui profecto licet sapiens fuerit (ut uocabatur) patrocinarī tamen uerae iustitiæ nullo modo poterat: quia caput ipsum fontemq; iustitiæ non tenebat. Nobis autem facilior est ipsa defensio, quibus cœlesti beneficio familiaris est, ac penitus nota iustitia, quiq; illa nō

L. COELII LACTANTII

C nomine, sed re nouimus. Nam Plato & Aristoteles honesta quidem uoluntate iustitiam defendere cupierūt: effecissentq; aliquid, si conatus eorū bonus, si eloquentiam, si uirtutem ingenij, diuinarū quoq; rerum doctrina iuuisset. Itaq; opus illorū inane atq; inutile iacuit, nec cuiquam hominum persuadere potuerunt, ut eorum præscriptio uiueret: quia fundatum à cœlo disciplina illa nō habuit. Nostrum opus certius sit necesse est, quod deus docuit. Illi enim depingebāt uerbis, & imaginabantur iustitiam, quæ in conspectu non erat: nec præsentibus exemplis cōfirmare poterant, quæ afferebant. Responderi enim posset ab audientib; nō posse ita uiui, sicut illi sua disputatione præscripserūt, adeò ut nulli adhuc extiterint, qui id genus uitæ sequerentur. Nos autem non uerbis modo, sed etiam exemplis ex uero petitis, uera esse, quæ à nobis dicūtur, ostendamus. Sensit igitur Carneades quæ sit natura iustitiae, nisi quod parum alte prospexit, stultitiam non esse: quanq; intelligere mihi uidear, qua mente id fecerit. Non enim uere existimauit eum stultum esse, quia iustus est: sed quum sciret non esse, & rationem tamen, cur ita uideretur, non cōprehenderet, uoluit ostendere latere in abdito ueritatem, ut decretū disciplinæ suæ uieretur: cuius summa sententia est, nihil percipi posse. Videamus iustitia nihil ergo utrum ne iustitia foedus aliquod habere cum stultitia possit. Iustus, inquit, si habet cū stul aut equum fauicio, aut tabulam naufrago non ademerit, ut ipse animam suam libertia commu ret, stultus est. Primum omniū nego ullo modo fieri posse, ut homini, qui quidem ne. uere iustus sit, eiusmodi casus eueniat: quia iustus neq; cuiquā irato inimicus, nec quicquam omnino appetit alienū. Cur enim nauiget, aut quid petat ex aliena terra, cui sufficit sua? Cur autem belligeret, aut se alienis furoribus misceat, in cuius animo pax cum hominibus perpetua ueretur? Scilicet peregrinis mercibus, aut D humano sanguine delectabitur, qui neq; lucrum sciat appetere, cui sufficit uictus, & non modo ipse cädem facere, sed interesse facientibus, ac spectare ducat nefas? Sed omitto ista, quoniā fieri potest, ut uel inuitus ad hæc subeunda cogat. Adeone ergo iustitiā ô Furi, uel potius ô Carneade, cuius est illa omnis ratio, tam inanem, tam superuacuam, tamq; contemptam deo putas, ut nihil possit, nihilq; habeat in se, quod ad custodiā sui ualeat? Sed uidelicet, qui sacramentū hominis ignorant, ideoq; ad hanc uitam temporalem referunt omnia, quanta sit uis iustitiae scire non possunt. Nam & quum de uirtute disputant, quamuis intelligent ærumnis ac miserijs esse plenissimam, tamen expetendam esse aiunt sua causa: eius enim præmia, quæ sunt æterna & immortalia, nullo modo uident. Sic rebus omnibus ad hanc præsentem uitam relatis, uirtutem planè ad stultitiam redigunt. Siquidē tantos huius uitæ labores frustra & inaniter suscipit. Sed hæc alio loco plenius. Intērim de iustitia (ut cœpimus) cuius tanta uis est, ut quum oculos in cœlum sustulerit, à deo mereatur omnia. Recte igitur Flaccus tantam esse dixit innocētiae uim, ut ad tutelam sui non egeat nec armis, nec uiribus, quācunq; iter fecerit:

Integer uitæ, scelerisq; purus
Non eget Mauri iaculis, nec arcu,
Nec uenenatis grauida sagittis,
Fulce, pharetra.

Siue per Syrteis iter æstuosas,
Siue facturus per inhospitalem
Caucasum, uel quæ loca fabulosus
Lambit Hydaspes.

Non potest ergo fieri, quin hominem iustum inter discrimina tempestatum atque bellorū, cœlestis tutela custodiat, ac non etiam, si cum paricidis & nocentibus nauiget,

A uiget, aut malis quoq; parcatur, ut una iusta & innocens anima liberetur, aut certe pereūibus cæteris, sola seruetur. Sed cōcedamus posse fieri, quod proponit philo sophus: quid ergo iustus faciet, si nactus fuerit aut in equo saucium, aut in tabula naufragū: non inuitus confiteor, morietur potius quam occidet; nec ideo tamen iustitia, quod est singulare hominī bonum, stultitiae nomen accipiet. Quid enim melius, quid charius hominī esset debet, q̄b innocentia: quæ utiq; tanto perfectior sit necesse est, quāto illam produxeris ad extremū, moriç̄ malueris, ne quid de innocentiae ratione minuatur. Stultitia est, inquit, alienæ animæ parcere cum perniciē sūræ. Num etiam pro amicitia perire, stultum iudicabitur? Quid ergo familiæ res illi Pythagoræ laudantur à uobis, quorum alter se tyranno uadem mortis pro altero dedit, alter ad præstitutū tempus, quum iam sponsor eius duceretur, præsentiam sui fecit, eumq; interuētu suo liberauit: quorum uirtus in tanta gloria non habetur, quum alter pro amico, alter etiam pro fide mori uoluit, si stulti putarentur. Deniq; ob hanc ipsam uirtutem tyrannus his gratiam retulit, utrumq; seruando, & hominī crudelissimi natura mutata est. Quinetiam deprecatus esse dicit, ut se tertium in amicitiam reciperent, nō utiq; tanquam stultos, sed tanquam bonos, & sapientes uiros. Itaq; non uideo, quare quum pro amicitia & fide mori summa gloria cōputetur, nō etiam pro innocentia perire sit hominī gloriosum. Ergo stultissimi sunt, qui nobis criminī dant, mori uelle pro deo: quū ipsi eum, qui pro homine uoluit mori, in coelum summis laudibus tollant. Deniq; ut concludam disputationem, nō posse eundem stultū esse, ac iustum, & eundem sapientē, & iniustum docet ipsa ratio. Qui enim stultus est, quid sit bonū ac iustū nescit, & ideo semper peccat: dicit enim quasi captiuus à uitij, nec resistere ullo modo potest: quia caret uirtute, quam nescit. Iustus autē ab omni peccato se abstinet: quod aliter facere non potest, quam si habeat recti prauiq; notitiam. Rectū autem discernere à prauo quis potest nisi sapiens: Ita sit, ut nunquā possit iustus esse, qui stultus est: neq; sapiens, qui fuerit iniustus. Quod si est uerissimum, manifestū est eum, qui aut naufrago tabulam, aut equum saucio non ademerit, stultum non esse: quia hoc facere peccatū est, à quo se sapiens abstinet. Videri tamen & ipse profiteor, per hominū errorem ignorantū cuiusq; rei proprietatē. Itaq; omnis hæc quæstio non tam argumentis, quam definitione dissoluit. Stultitia igitur est, in factis dicitisq; per ignorantiam recti ac boni erratio. Ergo stultus nō est, qui ne sibi quidem parcit, dummodo alteri nō noceat, quod est malū. Quod quidem nobis & ratio & ueritas ipsa præscribit. In omnibus enim uiderimus animalibus, quia sapientia carent, cōciliatri cem sui esse naturā. Nocent igitur alijs, ut sibi prosint: nesciunt enim, quia malum est nocere. Homo uero, qui scientiā boni ac malī habet, abstinet se à nocēdo, etiam cum incommodo suo: quod animal irrationale facere non potest. Et ideo inter, summas hominū uirtutes innocentia numeratur. Quibus rebus appetit sapientissimum esse, qui maluit perire, ne noceat, ut id officium, quo à mutis discernitur, seruet. Nam qui uidentis errorem non redarguit, ut aurum paruo emat: aut qui non profitetur seruum fugitiuum, uel pestilentem se domum uendere, lucro & commodo suo consulens, non est ille sapiens, ut Carneades uideri uolebat, sed calidus & astutus. Calliditas & astutia in mutis quoque animalibus sunt: uel quum insidiantur alijs, & dolo capiunt, ut deuorent: uel quū insidias aliorum uario genere deludunt. Sapientia uero in hominem solum cadit. Sapientia enim est intelligentia, uel ad bonum rectumq; faciendum, uel abstinentia dictorum, factorumq; improborum. Lucro autem nunquā sapiens studet, quia bona hæc terrena contemnit; nec quenq; falli patitur, quia boni uiri officiū est, errores hominū corrigere,

Pythias & Da
mon Pythagoræ
rici.

L. COELII LACTANTII

C eosq; in uitam reducere. Siquidem socialis hominis est ac benefica natura, qua sola cognitionem cum deo habet.

Quod ignoratio immortalitatis & dei uiri, predicatorum errorum causa est, & mortem meretur eternam: Et quod homo non sit hominis genitor, sed minister generationis: Et quare deus ueram sapientiam uoluit sub specie stultitiae occultari. Cap. XIX



Ed nimirū hæc causa efficit, ut stultus esse uideatur, qui egere aut mori malit, q̄j noceat, uel eripiat aliquid alteri: quod hominē morte deleri putant: ex eaq; persuasione omnes tum uulgi, tum etiam philosophorum nascuntur errores. Si enim post mortem nihil sumus, profectò stultissimi est hominis, non huic uitæ cōsulere, ut sit quamdiutina, & cōmodis omnibus plena: quod qui faciet, à iustitiæ regula discedat necesse est. Si autem supereft hominī uita melior & longior: quod & philosophorū magnorū argumentis, & uatum responsis & prophetarū diuinis uocibus discimus, hanc præsentem cum suis bonis cōtemnere sapientis est, cuius omnis factura immortalitate pensatur. Apud Ciceronem idem ipse iustitiæ defensor Lælius: Vult, inquit, planè uirtus honorē, nec est uirtutis ulla alia merces. Est planè & quidem uirtute dignissima, quam tu Læli nequaq; poteras suspicari: nihil enim diuinarū noueras literarū: Quā tamen illa, inquit, accipit, facile exigit, non acerbe. Erras uehementer, si putas ab homine præmium solui posse uirtutē: quum ipse alio loco uerissime differas, Huic uero quas diuitias obijctes: quæ imperia: quæ regna: qui ista putat humana, sua bona diuina iudicat. Quis ergo te sapientem Læli putet, quum ipse tibi loquare contraria: & paulò post adimis uirtuti, quæ dedisti. Sed uidelicet ignorantia ueri facit incertam labantemq; sententiam. Deinde quod adiungis: Sed si aut ingrati uniuersi, aut inuidi multi, aut inimici potentes, suis uirtutē præmijs spoliant. O quām flagit, quām inanem uirtutē induxisti, si spoliari potest suo præmio. Quæ si bona sua diuina iudicas, ut aiebas, qui possunt existere tam ingrati, tam inuidi, tam potentes, qui uirtutem spoliare ualeant ijs bonis, quæ fuerint in eam collata diuinus: Nec illa se, inquit, multis solatijs oblectat, maximeq; suo decore seipsum sustentat. Quibus solatijs, quo decore, quū in crimen sæpe ueniat, & in poenam decor ille uertatur: Quid enim si (ut Furius dicebat) rapiatur, uexetur, exterminetur, egeat, auferantur ei manus, effodiatur ei oculi, damnetur, uinciat, uratur, miseris etiam modis necetur, perdet ne suum præmiū uirtus: An potius peribit ipsa: Minime: sed & mercede suā deo iudice accipiet, & uiuet, & semper uigebit. Quæ si tollas, nihil potest in uita hominū tam inutile, tam stultū uideri esse, quām uirtus, cuius naturalis bonitas & honestas docere nos potest, animā non esse mortalem, diuinumq; illi à deo præmium constitutū. Sed idcirco uirtutem ipsam deus sub persona stultitiae uoluit esse celatam, ut mysterium ueritatis ac religionis suæ esset arcanū: ut has religiones sapientiamq; terrenam extollentem se altius, sibiq; multum placentem, uanitatis errorisq; damnaret: ut proposita deniq; difficultate per angustissimos tramites ad immortalitatis præmium sublime perduceret. Docui, ut opinor, cur populus noster apud stultos stultus habeatur: Nam cruciari atque interfici malle, quām thura tribus digitis comprehensa in focum factare, tam ineptū uideatur, quām in periculo uitæ, alterius animā magis curare quām suam. Nesciunt enim quantū sit nefas adorare alium præterquam deum, qui cōdidit cœlum ac terram, qui humanum genus finxit, inspirauit, luce donauit. Quod si seruorum nequissimus habetur, qui dominū suum fuga deserit, isq; uerberibus, uinculis, ergastulo, & cruce, & omni malo dignissimus iudicatur: & si filius eodē modo perditus atq; impius existimat, qui patrē suū dereliquerit, ne illi obsequatur: ob eamq;

Cur deus uirtutem sub persona stultitiae cessauerit.

A ob eamq; causam dignus putatur, quod sit exhæres, & cuius nomen de familia in perpetuum deleatur: quanto magis qui deum deserit, in quem duo uocabula, domini & patris æque ueneranda conueniunt: Nam ille qui seruum precio comparat, quid in eum beneficij confert, præterquam alimenta, quæ illi utilitatis suæ grata subministrat: Et qui filium generat, non habet potestatē ut cōcipiatur, ut nascat & uiuat. Vnde apparet nō esse illum patrē, sed tantummodo generandi mīstrum. Quibus ergo supplicijs dignus est desertor eius, qui dominus uerus & pater est, nisi quæ deus ipse constituit: qui sp̄iritibus iniustis æternū parauit ignem, quod ipse per uates suos impijs ac rebellibus comminatur.

De insania eorum, qui deos colunt, & non audent ratione contendere cum fidelibus: & quare sacramentorū suorum silentium indicant: Et quod religio per patientiam defendenda est, & ratione potius quam scutia, ferro, uel igne: Et quātum, & in quibus difserunt religionis ueræ cultus & falsoe. Cap. XX



Iscant igitur & suarum & alienarū interfectores animarū, quām inexpiabile facinus admittant. Primū, quod seipsoſ iugulant perditissimis dæmonibus seruendo, quos deus in æterna supplicia damnauit. Deinde, quod nec ab alijs deum coli patiūtur, sed auertere homines ad mortifera sacra cōtendunt: nítūturq; summa diligētia, ne qua sit anima in columnis in terra, quæ saluo statu suo spectet in cœlum. Quid aliud dicam q; miseris, qui prædonum suorū instigationib; parent, quos deos esse opinantur, quorum neq; conditionem, neq; originem, neq; nomina, neq; rationē sciunt: Sed inhærentes persusioni uulgarī libenter errant, & stultitiae suæ fauent. A quibus si persuasionis eius rationē requiras, nullam possunt reddere: sed ad maiorū iudicia configiunt, quod

B illi sapientes fuerint, illi probauerint, illi sciuerint quid esset optimū: secp; ipsos sensibus spoliant, ratione abdicāt, dum alienis erroribus credunt. Sic impliciti rerum ignorātia, nec se, nec deos suos norunt. Atq; utinā soli errare, soli despere uellent. Alios etiā in consortiū malī sui rapiunt, quasi habituri solatium de perditione mulitorum. Sed haec ipsa ignorantia efficit, ut in persequēdis sapientibus tam malī sint. Fingunt se illis cōsulere, illos ad bonam mentem uelle reuocare. Num igitur hoc sermone, aut aliqua ratione redditā facere nítuntur? Minime: sed uī atque tormentis. O mira & cæca dementia. In ijs putatur mala mens esse, qui fidem seruare co[n]tantur, in carnificibus autem bona: In ijs ne mala mens est, qui contra ius humanitatis, contra fas omne lacerantur: An potius in ijs, qui ea faciunt in corporibus innocentū, quæ nec sœuissimi latrones, nec iratissimi hostes, nec immanissimi barbari aliquando fecerint: Adeōne etiam sibi mentiuntur, ut uicissim boni ac malī nomina transferant & immutent: Quid ergo non diem noctem uocant, sole te nebras: Alioquin eadem imprudentia est, bonis malorum nomen imponere, sapientibus stultorum, iustis impiorū: quinimmo, si qua illis fiducia est uel in philosophia, uel in eloquentia, arment se ac refellant hæc nostra, si possunt: congregantur cōminus, & singula quæque discutiant. Decet eos suscipere defensionem deorum suorum, ne si nostra inualerint (ut quotidie inualescant) cum delubris suis ac ludibrijs deserantur. Et quoniā uī nihil possunt (augetur enim religio dei quanto magis premitur) ratione magis & hortamentis agant. Procedant in medium pontifices, seu minores, seu maximi flamines, augures, item reges, sacrificuli, quæque sunt sacerdotes & antistites religionum. Conuocent nos ad concionem, cohortentur nos ad suscipiēdos cultus deorum: persuadeāt multos esse, quorum numero ac prouidentia regantur omnia: ostendant origines & initia sacrorum ac deorum, quomodo sint mortalibus tradita: qui fons, quæ ratio sit, explicit: proferat

L. COELII LACTANTII

C quae merces in cultu, quae poena in contemptu maneat: quare ab hominibus se coluerint: quid illis si beati sunt, humana pietas conferat. Quae omnia non asseueratione propria (nec enim ualet quicquam mortalis hominis autoritas) sed diuinis aliquibus testimonij confirmant, sicut nos facimus. Non est opus uero & iniuria: quia religio cogi non potest. Verbis potius quam uerberibus res agenda est, ut sit uoluntas: distingant aciem ingeniorum suorum: si ratio eorum uera est, afferatur: paratus sumus audire, si doceat: tacentibus certe nihil credimus, sicut ne saeuientibus quidem cedimus. Imitentur nos, aut rationem totius rei exponat. Nos enim non illiscimus (ut ipsi obiectant) sed docemus, probamus, ostendimus. Itaque nemo a nobis retinetur inuitus: inutilis est enim deo qui fide ac deuotione caret. Et tamen nem discedit, ipsa ueritate retinente. Doceant isti hoc modo: si qua illis fiducia ueritatis est, loquantur, discant: audeant inquam disputare nobiscum aliquid eiusmodi: iam profecto ab aniculis, quas contemnunt, & a pueris nostratis error illorum ac stultitia ridebitur. Quum enim sint peritissimi, deorumque progeniem, & res gestas, & imperia, & interitus, & sepulchra de libris nouerint, ipsosque ritus quibus sunt initiati, uel ex rebus gestis hominum, uel ex casibus, uel etiam ex moribus natos sciant: incredibilis dementia est deos putare, quos fuisse mortales negare non audiant: uel si tam impudentes fuerint, ut negent, sive illos ac illorum literae coarguent: ipsa denique illos sacrorum initia conuincet. Sciant igitur ex hoc ipso quantum intersit inter uerum & falsum, quando ipsi qui sunt eloquentes, persuadere non possunt: imperiti ac rudes possunt, quia res ipsa & ueritas loquitur. Quid ergo saeuunt, ut stultitiam suam dum minuere uolunt, augeant: longe diuersa sunt carnificina & pietas: nec potest aut ueritas cum uero, aut iustitia cum crudelitate coniungi. Sed me-

D ritio non audent de rebus quicquam docere diuinis, ne a nostris derideantur, & a suis deserantur. Nam forte uulgas, cui simplex incorruptumque iudicium est, si mysteria illa cognoscant in memoria mortuorum constituta, damnabit: aliudque uerius quod colat, queret. Hinc fida silentia sacris instituta sunt ab hominibus callidis, ut nesciat populus quid colat. Quod autem nos in eorum doctrinis uersemur, cur nobis aut nostris non credunt, qui utrumque nouimus: aut inuident, quia falsis uera prætulimus. Sed defendenda sunt, inquiunt, publice suscepta sacra. O quam in honestate uoluntate miseri errant. Sentiunt enim nihil esse in rebus humanis religione præstantius, eamque summa uero oportere defendi: sed ut in ipsa religione, sic in defensionis gene-
re falluntur. Defendenda enim religio est, non occidendo, sed tibi moriendo: non saeuia, sed patientia: non scelere, sed fide. Illa enim malorum sunt, haec bonorum. Et ne cesset quidem est bonum in religione uersari, non malum. Nam si sanguine, si tormentis, si malo religionem defendere uelis, iam non defendetur illa, sed polluetur & uiolabitur. Nihil est enim tam uoluntarium, quam religio: in qua si animus sacrificantis auersus est, iam sublata, iam nulla est. Recta igitur ratio est, ut religionem patientia uel morte defendas: in qua fides consecrata, & ipsi deo grata est, & religioni addit autoritatē. Nam si is qui in hac terrestri militia regi suo fidē seruat in aliquo egregio facinore, si postea uixerit, acceptior fit & charior: si perierit, summam consequitur gloriam, quod pro duce suo mortem occubuerit: quanto magis imperatori omnium deo fides seruanda est, qui non tantum uiuentibus, sed & mortuis præmium potest uirtutis exoluere: Igitur dei cultus, quoniam militiae cœlestis est, deuotionem maximā fidemque desiderat. Quomodo enim deus aut amabit colentem, si ipse non ametur ab eo: aut præstabit precanti quicquid orauerit, quem ad precan- dum neque ex animo neque obseruanter accedat: Isti autem quum ad sacrificandum ueniunt, nihil intimum, nihil propriū diis suis offerunt, non integratatem mentis,

non

tibi
Religio quo-
do defendenda.

A non reuerentiam, non timorē. Peractis itaq; sacrificijs inanibus, omnem religionē in templo, & cum templo, sicut inuenerāt, relinquunt: nihilq; secum ex ea neque afferunt, neq; referunt. Inde est, quod eiusmodi religiones nec bonos facere possunt, neq; firmæ ac immutabiles esse. Traducūtur itaq; ab his homines facile: quia nihil ibi ad uitam, nihil ad sapientiam, nihil ad fidem dicitur. Quæ est enim superstitionē illorū deorum: quæ uis: quæ disciplina: quæ origo: quæ ratio: quod fundamentum: quæ substantia: quō tendit: aut quid pollicetur, ut ab homine possit fideliter seruari, fortiterq; defendi: In qua nihil aliud uideo, quam ritum ad solos digitos pertinentē. Nostra uero religio eo firma est, & solida & immutabilis, quia iustitiam docet, quia nobiscū semper est, quia tota in animo coletis est, quia mentem ipsam pro sacrificio habet. Illic nihil exigitur aliud, q̄ sanguis pecudum, & funus, & inepta libatio: Hic bona mens, hic purū pectus, innocens uita. Illuc ueniunt sine delectu adulteræ, impudicae lenæ, procaces & obscenæ meretrices: ueniunt gladiatores, latrones, fures, uenesici: & precātur nihil aliud, quam ut scelera imputne cōmittant. Quid enim latro sacrificiā, aut gladiator roget, nisi ut occidat? Quid tamen uenenarū, nisi ut fallat? Quid meretrix, nisi ut plurimū peccet? Quid adultera, ^{tſcenarius} nisi ut mortem uiri optet, aut ut sua impudicitia celetur? Quid lena, nisi ut multos bonis exuat? Quid fur, nisi ut plura cōpillet? Hic uero etiam leui cōmuniq; peccato locus nullus est. Et si quis ad sacrificiū non integra cōscientia uenerit, audit quæ illi deus cōminetur, ille qui latebras cordis uidet, qui peccatis semper infestus est, & exigit iustitiā, qui fidem poscit. Quis hic malæ menti, aut malæ preci locus est? At illi infelices, nec ex sceleribus suis intelligunt, q̄ malum sit quod colunt: quandoquidem flagitijs omnibus inquinati ueniunt ad precandum: & se pie sacrificare opinantur, si cutem lauerint: tanq; libidinem intra pectus inclusam ulli amnes abluant, aut ulla maria purificēt. Quanto satius est mentem potius eluere, quam malis cupiditatibus sordidatur, & uno uirtutis ac fidei lauacro uniuersa uitia depellere. Quod qui fecerit, quamlibet inquinatū ac sordidum corpus gerat, satis purus est.

Quod hostes suos adorat stulta gentilitas, quorum cultus non modo Christiani, sed & philosophi, & domestici cultores deorum destruunt. Cap. XXI



Sti autem, quia nesciunt quid, uel quo modo sit colendum, cæci & imprudentes in cōtrarium cadunt. Adorant itaq; hostes suos, latrones & interfectores suos uictimis placant, & animas suas cum thure ipso commandas aris detestabilibus imponūt. Irascūtur etiam miseri, quod non similes alij pereant incredibili menti cæcitate. Quid enim uideant, qui solem non uident: quasi uero si dij essent, indigerent hominū auxilio aduersus cōtemptores suos. Quid ergo nobis irascuntur, si illi nihil possunt, nisi quod ipsi deos suos destruūt, de quorū potestate diffidūt: magis irreligiosi, q̄ qui omnino nō colunt. Cicero in suis legibus, quū casta ad sacrificia præcipiteret accedere: Pietatem, inquit, adhibeto, opes amoueto: qui secus faxit, deus ipse uindex erit. Recte hoc quidē: neq; enim fas est desperare de deo, quem ideo colas, quia potentem putas. Nam quomodo uindicare coletis iniuriā potest, qui suā non potest: Libet igitur ex his querere, cui potissimum præstare se putent, cogendo inuitos ad sacrificiū. Iis ne quos cogunt: at non est beneficium, quod ingeritur recusanti. Sed cōsulendum est etiam nolentibus, quando quod bonum sit, nesciunt. Cur ergo tam crudeliter uexant, debilitat, cruciant, si saluos esse uolunt: Aut unde pietas tam impia, ut eos miseris modis aut perdant, aut inutiles faciant, quibus uelint esse consultū: An uero dijs præstant: at nō est sacrificiū, quod exprimitur ab inuito: nisi enim sponte atq; ex animo fiat, execratio est: quū homines proscriptione, iniurijs, carcere, tormentis

C tis adacti faciunt. Si dij sunt isti, qui sic coluntur: uel propter hoc solum colendi non sunt, quod sic coli uolunt: digni scilicet detestatione hominū, quibus cum lachrymis, cum gemitu, cum sanguine de membris omnibus fluente libatur. At nos contrā, non expetimus ut deum nostrū, qui est omniū creator, uelit nolit colat aliquis iniuitus: nec si non coluerit, irascimur: confidimus enim maiestati eius, qui tam contemptum sui possit ulcisci, quam seruorū suorū labores & iniurias. Et ideo quum tam nefanda perpetimur, ne uerbo quidē reluctamur: sed deo remittimus ultionem: non ut hi faciunt, qui defensores se esse deorū suorū uideri uolunt, & saeuunt efferate aduersus non colentes. Ex quo intelligi datur, q̄ non sit bonū deos colere: quoniā bono potius adducendi homines ad bonū fuerant, non malo. Sed quia illud malum est, etiam officiū eius bono caret. At enim puniendī sunt, qui destrūunt religiones. Num peius nos destruimus, q̄ natio Aegyptiorū, qui turpissimas bestiarū ac pecudū figuras colunt: quædam etiam pudenda dictu tanq̄ deos adorantur? Num peius q̄ idem ipsi, qui, quū deos se colere dicunt, tamē eos publice turpiter q̄ deridēt: de quibus etiam per mimos agi, cum risu & uoluptate patiuntur? Qualis hæc religio, aut quanta maiestas putanda est, quæ adoratur in templis, illuditur in theatris: & qui hæc fecerint, nō pœnas uiolati numinis pendūt, sed honorati etiā laudatiq̄ discedunt. Num peius nos destruimus, quam quidā philosophi, qui omni no nullos deos esse aiunt, sed omnia sua sponte esse nata, omnia fortuitu fieri, quæ geruntur? Num peius q̄ Epicurei, qui esse quidem deos, sed curare quicq̄ negant, neq̄ irasci eos, neq̄ gratia commoueri? Quibus dictis utiq̄ persuadent, colendos omnino nō esse: siquidē nec colentes respiciunt, neq̄ nō colentibus irascuntur. Praeterea quum cōtra metus differunt, nihil aliud efficere conantur, q̄ ut nemo deos ti meat. Et hæc tamen ab hominibus & audiuntur libenter, & differuntur impune.

Quare maligni spiritus instigent cultores suos in persecutionem fidelium: & quare uera religio videatur inanis. Cap. XXII



On ergo ideo aduersus nos insaniunt, quia dij non coluntur à nobis (à multis enim nō coluntur) sed quia ueritas penes nos est, quæ (ut est ue rissime dictū) odiū parit. Quid igitur existimabimus, nisi nescire illos, qui patiuntur? Pergitur enim cæco & irrationalib⁹ furore, quē nos uidemus, illi nesciunt: non enim ipsi homines persequuntur, qui causam, cur irascantur innocentibus, non habent; sed illi spiritus cōtaminati ac perditi, quibus ueritas & nota est & inuisa, insinuant se mentibus eorū, & instigant nescios in furorē. Hi enim quandiu pax est in populo dei, iustos fugitant & paudent. Et quū corpora hominum occupant, animasq̄ diu uexant, adiurant ab his, & nomine ueri dei fuggant. Quo audit⁹ & tremunt, & exclamant, & uri uerberariq̄ se testant: & interrogati qui sint, quando uenerint, quomodo in hominē irrepsierint, confitentur. Sic extorti & excruciatī uirtute diuini nominis, exulat: propter hæc uerbera & minas, sanctos & iustos uiros semper oderūt. Et quia per se nocere his nihil possunt, publicis eos odijs persequuntur, quos sibi graues sentiunt: exercentq̄ saeuitiam quamuiolentissime possunt, ut aut eorū fidem minuant per dolorem: aut si id efficeri non quiserint, auferant omnino de terra: ne sint, qui possint eorū nequitiam coērcere. Non me fugit quid responderi ē cōtrario possit. Cur ergo deus ille singularis, ille magnus, quem rerum potentē, quem dominū omnium cōsideris, hæc fieri patitur, nec cultores suos aut uindicat, aut tuetur? Cur deniq̄ qui eum non coiunt, opulent, & potentes, & beati sunt, & honoribus regnoq̄ potiuntur, eosq̄ ipsos ditioni suæ ac potestati subiectos habent? Reddenda & huius ratio est rei, ne quid remaneat erroris. Nam in primis hæc causa est, cur existimet religio dei

Dæmonum in Christianos odium.

A uiui uim nō habere, quod inducan̄ homines spe terrenorū ac præsentiū honorū, quæ ad curā mentis nullo modo pertinēt: quibus quia carere iustos uidēt, & afflue re iniustos, & dei cultū inanem arbitran̄, in quo inesse illa nō cernunt, & deorū ri tus existimāt ueros, quoniam cultores eorū & diuitijs, & honoribus, & regnis fru= antur. Verū iij qui sunt in hac existimatione, nō perspiciūt altius uim rationēq; ho= minis, quæ tota nō in corpore, sed in mente est. Nihil enim uident amplius, quam corpus scilicet: quod quia uidetur oculis, manuq; tractabile est, imbecillū, fragile, mortale est: cuius sunt illa omnia bona, quæ cupiditati ac miraculo sunt, opes, ho= nores, imperia, quoniam corpori afferunt uoluptates: & ideo tam caduca sunt, q; corpus ipsum. Animus uero, in quo solo est homo, quoniam subiectus oculis nō est, nec bona eius inspici possunt, quæ in sola uirtute sunt posita: & ideo tam stabi lis, & constans, & perpetuus sit neceſſe est, sicut ipsa uirtus, in qua est animi bonū.

Quare deus electos suos tradita impijs potestate vexari patiatur. Cap. XXXIII



Ongum est uniuersas uirtutū species promere, ut de singulis doceam quām neceſſe sit, sapientē ac iustum uirum longe ab illis bonis abhor= rere, quibus quia fruuntur iniusti, deorum cultus ueri & efficaces esse creduntur. Quod ad præsentem pertinet quæſtionē, fatis est, si ex una uirtute id probemus, quod intendimus. Nempe magna & præcipua uirtus est pa= tientia: quā pariter & uulgi publicae uoces, & philosophi, & oratores summis lau= dibus celebrant. Quod si negari nō potest, quin summa sit uirtus, neceſſe est iustū & sapientem uirum in potestate esse hominis iniusti, ut capiat patientiā. Patientia

Patientia.

est enim malorū, quæ aut inferuntur, aut accident, cum æquanimitate perlatio. Er= go iustus ac sapiens, quia uirtutē capit, habet in se patientiā: qua carebit omnino, si

B nihil patietur aduersi. Contrā, qui in rebus prosperis agit, impatiens est, & uirtute maxima caret. Impatientem dico, quia nihil patitur. Innocentia quoq; seruare non potest, quæ & ipsa iusto & sapienti uiro propria est uirtus: sed & nocet ſaſe, & concupiſcit aliena, & rapit quæ cupierit per iniuriā: quia uirtutis expers, uitio pec= catōq; subiectus est, & fragilitatis oblitus, animo insolenter elato tumet. Inde iniux= ti ac deum nesciētes, & diuitijs, & potentia, & honoribus florent. Hæc enim cun=cta iniustitiae p̄m̄ia sunt: quia & perpetua esse non possunt, & per cupiditatem uiolentiamq; querunt. Iustus uero ac sapiens, quia illa omnia humana sunt (ut est à Lælio dictum) sua bona diuina iudicat: nec alienum quicq; concupiſcit, ne quem contra ius humanitatis laedat omnino: nec ullam potentiam honorem ue deside= rat, ne cui faciat iniuriā: Scit enim cunctos ab eodem deo, & eadem conditione generatos, iure fraternitatis esse coniuctos: Sed & suo contentus, & paruo: quia fragilitatis ſuæ memor, non amplius querit, quām unde uitam ſuſtentet: & ex eo ipſo quod habuerit, imparititur etiam nō habenti, quia pius eſt. Pietas etiam ſum=ma uirtus eſt, & accidit ex eo quod uoluptates caducas uitiosasq; contemnit, qua=rum uirtutem appetuntur: quoniam continens eſt ac libidinū uictor, & nihil tu= moris ac insolentiae gerens, non extollit ſe altius, nec erigit superbū caput: ſed pla= cidus, & concors, & planus, & comis eſt, quia conditionem ſuam nouit. Quum er= go iniuriā nulli faciat, nec aliena cupiat, nec ſua quoque, ſi ui auferantur, defen= dat, quum ſciat etiam illatam iniuriā moderate ferre, quia uirtute præditus eſt: ne=ceſſe eſt iustum hominem subiectum eſſe iniusto, & contumelij ab inſipienti affi= ci sapientem: ut & ille peccet, quia iniustus eſt, & hic in † ſeruitutem abeat, quia iu=ſtus eſt. Si quis autem uolet ſcire plenius, cur malos & iniustos deus potentes, bea= toſ, & diuites fieri ſinat: pios contrā humiles, miseros, inopes eſſe patiatur: ſumat eum Senecæ librum, cui titulus eſt, *Quare bonis uiris multa mala accidat*, quum

Pietas.

ſe uirtutem

habeat,

L. COELII LACTANTII

C sit prouidentia: in quo ille multa non plane imperitia saeculari, sed sapienter ac penitus diuinatus elocutus est: Deus, inquit, homines pro liberis habet: sed corruptos & uitiosos luxuriose ac delicate patit uiuere: quia non putat emendatione sua dignos: **Cur boni a deo castigentur.** Bonos autem, quos diligit, castigat saepius: & assiduis laboribus ad usum uirtutis exercet: nec eos caducis ac mortalibus bonis corrumpi ac depravari sinit. Vnde nemini debet miru uideri, si pro nostris saepe delictis castigamur a deo. Imo uero, quum uexamur ac premimur, tum maxime gratias agimus indulgentissimo patri: quod corruptelam nostram non patitur longius procedere, sed plagiis ac uerberibus emendat. Ex quo intelligimus, nos esse deo curae: quoniam quum peccamus, irascitur. Nam quem posset populo suo & opes, & regna largiri, sicut dederat ante iudicis, quorum nos successores ac posteri sumus, idcirco tamen uoluit sub aliena dilectione atque imperio degere, ne rerum prosperarum felicitate corruptus, in luxuriam laberetur, ac dei precepta contemneret: sicut illi maiores nostri, qui saepe terrenis ac fragilibus ipsis bonis eneruati, aberrauerunt a disciplina legis, vinculaque ruperunt. Prouidit ergo quatenus cultoribus suis praestaret quietem, si mandata feruassent: & tamen eos emendaret, si preceptis non obtemperassent. Itaque ne tam corrumperentur otio, quam patres eorum licentia, premi eos ab ipsis uoluit, in quorum manibus collocauit, ut & labantes confirmet, & corruptos ad fortitudinem reparet, & fidos experiatur ac tentet. Quomodo enim potest imperator militum suorum probare uirtutem, nisi habuerit hostem? Et illi tamen aduersarii exurgit inuito: quia mortal is est, & uincere potest. Deo autem quia repugnari non potest, ipse aduersarios nominis suo excitat: non qui contra ipsum deum pugnant, sed contra milites eius, ut deuotionem ac fidem suorum uel probet, uel corroboret, donec pressuræ uerberibus defluentem corrigat disciplinam. Est & alia causa, cur aduersus nos persecutio nes fieri sinat, ut dei populus augeat. Nec est difficile monstrare, cur, aut quomodo illud fiat. Primum fugatur a deorum cultoribus plurimi, odio crudelitatis. Qui enim talia sacrificia non horreant? Deinde placet quibusdam uirtus ac fides ipsa: Nonnulli suspicantur deorum cultum non sine causa malum putari a tam multis hominibus, ut emori malint, quam id facere, quod alii faciunt, ut uiuant. Aliqui cupiunt scire, quidnam sit illud bonum, quod ad mortem usque defendit: quod omnibus, quae in hac uita iucunda & chara sunt, praefertur: a quo nec honorum, nec lucis amissio, nec dolor corporis, nec uiscerum cruciameta deterrent. Valent haec plurimū: sed illæ maximæ causæ nostrorum numerum semper auxerunt. Audit circulans populus inter ipsa tormenta dicentes, nolle se sacrificare lapidibus humana manus, sed deo uiuo, qui sit in celo. Multi hoc uerum esse intelligunt, & in pectus admittunt. Deinde, ut fieri solet in rebus incertis, dum inter se inuicem querunt, quae sit huius perseverantiae causa, multa quae ad religionem pertinent, diuulgata ac per rumorem uicissim aucupata discuntur: quae quia bona sunt, placeant necesse est. Præterea ultio secura, sicut semper accidit, ad credendum uehementer impellit. Ne haec quidem leuis causa est, quod immundi dæmonum spiritus accepta licentia multorum se corporibus immergit: quibus postea rejectis, omnes qui resanati fuerint, adhærent religioni, cuius potentiam senserunt. Haec tot causæ in unum collatae, magnam deo multitudinem mirabiliter acquirunt.

Quod honorum tortores torquebuntur: & malas bestias de terra auferet deus. Cap. XXXIV

Vicquid ergo aduersum nos mali principes moluntur, fieri ipse permittit. Et tamen iniustissimi persecutores, quibus dei nomen contumeliae ac ludibrio fuit, non se putent impune laturos: quia indignationis aduersus nos eius quasi ministri fuerunt. Punientur enim iudicio dei,

qui